

ছুতের বেগার

(রঙ্গনাট্য)

শ্রীক্ষীরোদপ্রসাদ বিদ্যাবিনোদ এম, এ,

কোহিনুর থিয়েটারে অভিনীত ।

প্রথম অভিনয় রঙ্গনী ১০ই পৌষ ১৩১৫ ।

২০১ নং কর্ণওয়ালিস ষ্ট্রীট হইতে

শ্রীগুরুদাস চট্টোপাধ্যায় কর্তৃক

প্রকাশিত

কাল্পিতিক প্রেস

২০, কর্ণওয়ালিস ষ্ট্রীট, কলিকাতা

শ্রীহরিচরণ মাল্লা দ্বারা মুদ্রিত ।

পাত্র ।

আনন্দ ছালাল	কলিকাতাবাসী মুছলমী
মুরগী	ঐ পরীবাসী খুল্লতাত
মুকুন্দ	ঐ ভগিনীপতি
সঞ্জীব	আনন্দের পুত্র
নিতাই	সরকার
মাষ্টার				
সদা	আনন্দের খানসামা

ভৃত্য, উমেদারগণ, মহাজনগণ, নাগরিকগণ ইত্যাদি

পাত্রী ।

শারদা	আনন্দের স্ত্রী
পাটলা	ঐ কন্যা
গৌরমণি	নিতাইয়ের স্ত্রী
বী				

উমেদার পক্ষীগণ, রক্ষীগণ ইত্যাদি

প্রস্তাবনা ।

রঞ্জিণীগণ ।

চাকরী চাকরী চাকরী (ওগো)
বাবুরা চাকরী নিয়ে গেছেন সহরে ।
ভাড়া ভাড়ি বাড়ী ছেড়ে চাবি দিয়ে সদরে ॥
কলম পিশে দিবা রাত,
দুবেলা জোটেনা ভাত
বসে বসে গোট্টে বাত—(আফিসে)
(কেবল) লোক দেখানো দেঁতোর হাসি মাথা অধরে ।
পয়সা দিয়ে হাতে মাটি দাঁতন কাটা
বাবুদের কান্নাহাটা এই বারে ।
পয়সা খেয়ে টেকুর তোলা
পুষ্টি দেহ হলো সোলা—
বাবুয়ানা ষোল আনা ধার ক'রে—
(হেথা) বাবুর ঘরে বাঘের বাসা
চামচিকে আর ডাঁশ মশা
অন্নে গেল অশথ ছাদে ভিটেয় ঘু ঘু চরে ।

হুতের বেগার ।

প্রথম অঙ্ক ।

প্রথম দৃশ্য ।

শারদা ও আনন্দ ।

আনন্দের বাটী ।

আনন্দ । শারদা—শারদা—শারো—ও শা—

(শারদার প্রবেশ)

শারদা । কেন—আজ এত আদর করে ডাকা হচ্ছে কেন ?

আনন্দ । এইত প্রাণেশ্বরী নিষ্ঠুরের মতন কথা কইলে !

কবে আমি তোমাকে আদর করতে কুণ্ঠিত হয়েছি ।

শারদা । আজ কিছু বেশি রকমের আদর কিনা !

আনন্দ । আজ কিছু হবার কারণ আছে । বাউয়েল সাহেব আমাকে এবারে এজেন্টে করে দিয়েছে ।

শারদা । এজেন্ট গিরিতে কি মাইনে ?

আনন্দ । মাইনে—বড়বাবুতে দুইশো টাকা মাইনে পেয়েছি ।
এ একেবারে আটশো ।

শারদা । কবে দেবে ?

আনন্দ । দেবে কি দিয়েছে ।

শারদা । তা হলেত রক্ষা পাই—দুশোতে যে আর কুলুচ্ছেনা !
অনিষপত্র এত ছন্দূল্য যে খরচপত্র সামলান দায় হয়ে উঠেছে ।

আনন্দ । তাই বুকেইত তোমার আশ্রয় নিচ্ছি ।

শারদা । ওমা শুকি কথা বল—মাইনে বেশি হচ্ছে এত সুখেরই কথা । তাতে আশ্রয় দেব কি আবার ।

আনন্দ । দেবার কারণ না থাকলে বলব কেন ? দেখ এতকাল বড় ইজ্জতেই চলে আসছি, কিন্তু আর বুঝি থাকে না । আমার বাবা বলতেন আমি একটাকা ক'রে চালের মন দেখেছি ; ময়দা ছিল দুটাকা মন, ঘী আড়াইসের টাকায়—খেসারি, মুসুর তখন মানুষে খেতেনা—এক টাকা পাঁচ সিকা মন । চারটে পয়সা খরচ করলে বুড়ি খানেক বাজার হ'ত । এখন কি না তেল দুসের টাকায় !

শারদা । তাই বা খাঁটা পাচ্ছ কই ?

আনন্দ । তা হ'লেই ভাল বললে ! খোরাক জোগানই ভার হয়েছে । তার ওপর গাড়ী ঘোড়া লোক-লৌকিকতা, নানা আসবাবের খরচ—মাসে মাসে দেনা হয়ে পড়ছে শাবো—দেনা হয়ে পড়েছে ।

শারদা । দেনা হয়ে পড়েছে—দেনা তা চেপেছে ।

আনন্দ । তার ওপর মেয়ের বিবাহত আর রাখা যায় না । ডিপুটার ছেলে সবে বিয়ে পড়েছে—পাস করতে পারে কি না তার ঠাক নেই—দশহাজার টাকা চেয়ে বসেছে ।

শারদা । দশহাজার এখন কোথা থেকে দেবে ।

আনন্দ । তাতো ভগবান মুখ তুলে চাইছেন । এই বছরেই মেয়ের বিয়ের কিনারা করব । আটশো মাইনে, তারওপর কমিসনে ও এতে তাতে আরও পাঁচশো ধর । বারো চোদ্দশো টাকা কেউ শুচ্ছে না । সাহেব কাজ আগে থাকতেই একরকম দিয়েছে । আমি একরকম আফিস ফেঁদেছি ।

শারদা । আফিস ফেঁদেছো ! তার মানে কি ? তবে কি তুমি ও আফিসে কাজ করবে না ।

আনন্দ । ওই আফিসেই কাজ করব বই কি ? তবে সাহেবেরা যেমন এক এক ডিপার্টমেন্টের কর্তা—আমিও তেমনি এক ডিপার্টমেন্টের কর্তা । আমি আমার ডিপার্টমেন্টে হস্তা কর্তা বিধেতা । লোক বাহাল করতে, ছাড়াতে—যা যখন মনে করব, তাই করবো । কেউ তাতে আপত্তি করতে পারবে না ।

শারদা । সাহেবেবাও নয় ?

আনন্দ । কেউ নয় । আমার কথাও ওপর কথা কইতে কেউ নেই । বরং সাহেবদের সময়ে সময়ে আমার লুকুম গুনতে হবে ।

শারদা । বলকি গো । এমন চাকরী—

আনন্দ । শারদা—শারো—শা এখন আমি দেখেছি সাপের পাঁচ পা—আমি এজেন্সী, আর তুমি এজেন্সিনী, অর্থাৎ কেরাণী রাজ্যের রাণী ।

শারদা । তাই বল—কালীঘাটে পূজা দিয়ে আসি ।

আনন্দ । প্রথম মাইনে যে দিন পাব শারদা—সেই দিন । আজ, আমার মাথায় ছুঁইয়ে টাকা একটা তুলে রাখ—আর মাস ধানেক ধরে আমাকে আশীর্বাদ কর যেন আমি বেঁচে থাকি ।

শারদা । ওকি কর—ছি ! ছেলে মেয়ের বুদ্ধি হয়েছে—এখনি এলে দেখে ফেলবে । তা এমন শুভসংবাদ দিতে এলে—তাতে আশ্রয় নিচ্ছি বলছিলে কেন ? গুনে আমার বুকটো টিপ টিপ করে উঠেছে । কত বঙ্গই জান ।

আনন্দ । আশ্রয় নিচ্ছি—সেটা ঠিক । কিন্তু তাতে একটু গোল আছে । তাতে কিছু টাকা ডিপজিট দিতে হবে ।

শারদা । কত টাকা ?

আনন্দ । পঞ্চাশহাজার টাকা ।

শারদা । ওমা ! এত টাকা !

আনন্দ । একি আর টাকা ? একলাখ দেড়লাখ টাকার কমে কি আর এজেন্টে গিরি হয় । পাঁচ সাতলাখ টাকা আমার হাতদে চলাচল করবে । বিনা জামিনে বিশ্বাস করবে কেন ? সাহেবেরা বড় অনুগ্রহ করে আমায় পঞ্চাশ হাজার টাকার জামিনে কাজটা দিচ্ছে । আমার আগে মদনলাহা মুচ্ছুদ্দি গিরি করে, চৌঘুড়ি হাঁকিয়ে চলে গেছে ।

শারদা । গেছে বললে যে । মদন লাহা কি মরে গেছে !

আনন্দ । মরে না গেলে কি আর বেনেব পো চাকরী ছাড়ে ! তার ছেলেরা লাখটাকা জামিন নিয়ে হাজির হ'ল । কিন্তু সাহেব তাদের না দিয়ে আমাকে দিলে । কি অনুগ্রহ শারদা কি অনুগ্রহ—তা আব তোমাকে কি বলব ।

শারদা । অনুগ্রহত বুঝলুম । কিন্তু এখন টাকা না দিতে পারলেত অনুগ্রহ নয় । টাকা কোথায় পাবে ?

আনন্দ । নিতাই সরকার আমাকে বাইরে থেকে ত্রিশহাজার জোগাড় কোরে দিচ্ছে—শুধু বিশহাজারের অনাটন । তাই তোমার আশ্রয় চাচ্ছি । তোমাং নামে যে কোম্পানীর কাগজ কথানা আছে, তাই দিলেই আমি একেবারে এজেন্টে হয়ে গ্যাট হয়ে জেকে বসি ।—চিন্তা ক'র না—দোহাই শারদা এতে চিন্তার কিছু নেই ।

শারদা । আমার আবার চিন্তা কি ! তোমারই দেওয়া টাকা তুমি নেবে তাতে আমি চিন্তা করবো কেন ? তবে কি জান

সব টাকা ঘর থেকে বার করবে, তার ওপরে দেনা । তোমার চাকরীতে কি আমি বুঝতে পারছি না ।

আনন্দ । সে তোমায় কিছু বুঝতে হবেনা । আগে যাকে বলত মুছুদ্দিগিবি, বুঝেছ—তবে সেটা দিশি চাকরী আর এটা বিলিতি । ;

শারদা ! ওমা ! তাই বল মুছুদ্দী—তা টাকা কবে দিতে হবে ?

আনন্দ । কথা হয়ে রইল - তারপর নেবার সময় নেবো ।

নিতাই । (নেপথ্যে) বাবু ! বাবু !—

আনন্দ । কি নিতাই এসেছ ! (নিতায়ের প্রবেশ) কি খবর ?

নিতাই । ভারী মজার খবর ! বাউয়েল সাহেবের বেলি চুঁই-চুঁই । কেও—মা—ভারী মজা মা ! ভারী মজা ! আমি পশ্চিম দিকের গুদোমের ভূষিমালাগুলো সাফ করতে গেছি, এমন সময় দেখি বড় সাহেব বাড়ীর বাবাণ্ডার সামনে গঙ্গাব ধারে পাইচারি করছে । আপনার আশীর্ষাদে আমাকে সাহেব বড়ই অনুগ্রহ করে কিনা— আমি পাটিপে পাটিপে পাশ কাটিয়ে যাব মনে করছি, কিন্তু যাবার যোকি তার বেরাল চোক—বন বন ঘুরচে—টপ ক’রে আমাকে দেখে ফেললে । দেখেই বলে—গ্যাটাই—গ্যাটাই—আমি যেন শুনতে পাইনি এমনি করে মাথা ফিরিয়ে গঙ্গাবাগে চেয়ে রইলুম । আর পেছন থেকে বলবকি বাবু—বলব কি মা—বেরালে যেমন হুঁর ধরে তেমনি ক’রে বড় সাহেব টপ্ করে এসে থপ্ ক’রে আমার ঘাড়টা ধরে তুলে ফেললে । তুলেই বললে—এই ইউ গাধা উল্লুক, বদমাস গ্যাটাই—গ্যাটাইতো—গ্যাটাই—শালার হাতে পড়ে আমি বন্ বন্ করে ঘুরতে লাগলুম । সাহেব হোহো ক’রে হেসে বললে—কি গ্যাটাই তোমার বাবুটো এজেন্টো হইল তাতে তোমার কি হইল ? আমি বললুম, আমার ত সবই হইল ছজুর—কিনা হইল । বাবুরইত খাচ্ছি ।

সাহেব বললে তুমিটো খাচ্ছ—আমাকে কি খাওয়াচ্ছ ? আমি বললুম
কি খেতে চাও হজুর ! মণিব ত আমার খাওয়াতে কাতর নয় ।
সাহেব বললে বেশ আমাকে খুঁটমাসে কিছু তিতির খিলাও । আমি
বললুম, তার আর ভাবনা কি !—হবে—।

আনন্দ । বটে ! সাহেব খেতে চেয়েছে !

নিতাই । দেশে উইচিংড়ি খেতো, এখানে শোলা বটের খেয়ে
খেয়ে পেটটা—এতখানি ফুলিয়ে ফেলেছে ।

আনন্দ । বেশ বড়দিনে তাহ'লে সওগাদের ব্যবস্থা কর ।

নিতাই । হকুম হ'লেই করব—সাহেব কি কি খেতে চায়,
আগে জেনে আসি ; তারপর আপনাকে বলবো ।

আনন্দ । তাহলে আর দেবী করনা—কি খেতে সাহেব পছন্দ
করে জেনে এস । শারদা এখন আমি তা হলে চললুম ; সময়
হ'লে বলবো ।—

(উভয়ের প্রস্থান)

শারদা । কি করবো, গুঁরই টাকা—অন্যেধ করতে পারি না ।
নইলে এত টাকা আমানত রেখে চাকরী করা আমার কেমন পছন্দ
হচ্ছেনা । ওরা বসন্তের কোকিল যতক্ষণ সুবাতাস ততক্ষণ আছে,
একটু জড় লাগলে কোথায় উধাও হয়ে যাবে তার ঠিক কি ! যাক
উনিহিত উপার্জনক—কিন্তু এত উপার্জন ক'রে হল কি ! একি ছাই
যা আসছে তাতেই কুলোয়না । বাইরে ঠমক বজায় রেখেছি,
আর কোনও রকমে কাগজ ক'খানি আটকে রেখেছি । নইলে
ধরতে গেলেত কিছুই নেই । গুঁর শরীরের ওপর নির্ভর—আজ
চাকরী গেলে কাল হাहा ! তাইত ক্রমে ক্রমে দেশের অবস্থা হল
কি ! সব কথা কি গুঁকে বলি—এই খুচরো হাত ধরচ তারই নাগাড়

মারতে পারি না । আমার এই টাকাতেই এই—আর যারা বিশ
পাঁচিশ টাকার চাকরীতে পাঁচ সাতটা পোষণ করে তাদের কি করে
চলে—(নেপথ্যে কোলাহল) ওরে গোলমাল কিসেরে—গোলমাল
কিসের ? ওব্বী-ব্বী ! (ব্বীর প্রবেশ)

ব্বী । ওগো বাবুকে মেরে ফেললে—ওগো বাবুকে মেরে
ফেললে !

শারদা । মেরে ফেললে কিরে ! কে মারলেয়ে—কে মারলে
য়ে !—

ব্বী । ওগো দেখবে এসগো—ওগো সর্কনাশ—কি হ'ল গো !

শারদা । কে মারলে রে ?

ব্বী । ওগো একদল গুণ্ডা—কিল ঘুষী চড় চাপড়—কি হ'ল
গো ?

শারদা । সেকিবে ! সেকিবে ! মেরে ফেললে কিরে ?

ব্বী । ওগো দেখবে এসগো—কি হ'ল গো !

শারদা । ওমা—একি হ'ল !



ভূতের বেগার ।

দ্বিতীয় দৃশ্য ।

পথ ।

উমেদার পত্নীগণ ।

উঠে বিছানা থেকে, জল দিয়ে গো চোখে,

বাবুরা বেরিয়ে গেছে রুখে ।

খুদ কুঁড়ে। যে যেখানে যা

পায়ের উপর দিয়ে পা

(বাবু) সব খেয়েছে ব'সে ব'সে বিষয় দেছে ফুঁকে ।

এখন ঘরে অষ্ঠ রস্তা

যা করেন মা জগদম্বা

শুন্বে যেথা চা ঠরী খালি প'ড়বে সেথা তাল ঠুকে ॥

তৃতীয় দৃশ্য ।

আনন্দের বহির্কীর্টি ।

আনন্দ ও তৎপশ্চাৎ উমেদারগণ ।

সকলে । বাবু আমাদের এজেণ্টো—বাবু আমাদের এজেণ্টো !

আনন্দ । যাও—যাও—চলে চাও—এখন যাও—এখন আমি

কারণ কথা শুনতে পারবো না ।

সকলে । (বাবুর জয় হ'ক ধনে পুত্রে লক্ষ্মীলাভ হ'ক । দয়া

কর বাবু দয়া কর । পাঁচ ছেলে সাত মেয়ে না খেয়ে মরে যাবে—

ঘরে বুড়ো মা—ইত্যাদি আবেদন)

আনন্দ । এখন যাও এখন যাও—এর পর শুনবো ।

(কেহ আনন্দের হাত ধরিল, কেহ পৈতা অড়াইল, কেহ পা ধরিল, আনন্দ পড়িয়া গেল । আনন্দকে ষোরিয়া কেহ নৃত্য করিতে লাগিল)

আনন্দ । আঃ ছাড়—হাঁপিয়ে মবি ছাড় ।

সকলে । কি আনন্দ—কি আনন্দ কি আ—(বারবার উচ্চারণ)

(নিতাইয়ের প্রবেশ)

নিতাই । হাঁ-হাঁ—বাবুর হাঁফ এসেছে—হাঁফ এসেছে ।

আনন্দ । ওরে বেটা সদা ! সদা—

নিতাই । ভাগো-ভাগো—বাবুকে—হাঁফ ছাড়তে দাও—হাঁফ ছাড়তে দাও ।

(বেগে ঝাঁ ও শারদার প্রবেশ)

ঝাঁ । ওই দেখ গো—মেরে ফেলেছে গো ! মেরে ফেলেছে গো ।

শারদা । তাই ত ! একি ! ওরে কে আছিস—বাবুকে মেরে ফেললে যেরে ।

১ম উ । ওরে মা !

সকলে । ওরে মা-মা—অন্নপূর্ণা মা !

১ম উ । সে কি মা ! আমরা মেরে ফেলবো কি মা ! বাবু আমাদের প্রাণ—আমাদের অন্নদাতা ! আমরা বাবুর সেবা করছি ।

আনন্দ । ওরে সদা—হারামজাদা পাজী গাধা সদা—

নিতাই । যাও—এখন নয় ভাগো ভাগো !

(সদারামের লাঠী লইয়া প্রবেশ)

সদা । কি, বাবুকে কে মারে—উমেদারী করতে এসে বাবুকে
খুন করতে এসেছ । ভাগো-ভাগো !

(উমেদারগণের প্রস্থান)

শারদা । কি, ব্যাপারখানা কি !

নিতাই । কিছু নয় মা ! ও সব বাবুর আফিসের উমেদার ।
আরও কত আসবে—বাবু আমাদের এজেন্ট ! মা কত আসবে—

শারদা । আসবে বলে কি এমনি ক'রে উৎপীড়ন করবে ।

নিতাই । এখন উৎপীড়নের হয়েছে কি মা ! অত্যাচার ত এখন
সব পড়ে রয়েছে । এর পরে দেখবে পা চেটে বাবুর পায়ের একপুরু
ছাল তুলে দেবে । বাবুর কি আর যে সে পায় । লাখের ভেতর
ছ একজনের এরকম পায় হয় ।

শারদা । (আনন্দকে ধরিয়া) লেগেছে কি ?

আনন্দ । হারামজাদা ! সদা !

সদা । বাবু !

আনন্দ । তোকে না বারণ করেছি, আমার ছকুম না নিয়ে
কাউকে ছাড়িনি !

সদা । কাউকেও ত ছাড়িনি বাবু !

আনন্দ । ওরা তবে বাড়ীতে ঢুকলো কি করে ?

সদা । ওরা ফ্যাপেছে—ওরা কি মানা মানে । আটকে
দিলাম ত তড়াক তড়াক ক'রে মাথা ডিকিয়ে চলে এলো ।

সদা । মাথা ডিকিয়ে এলো ! ব্যাটা বাঙ্গাল—কলকেতার
তিরকুটবিচি খেয়ে রস হয়েছে ! শ্রাকা বোঝাতে এসেছো ।

নিতাই । আহা হা, ! মূর্খ মূর্খ—বাবুর এত মান বুঝতে পারেনি । মূর্খ—মূর্খ—

ঝী । হাঁ বুঝতে পারেনি—ব্যাটা ঘুষ খেয়েছে—পয়সা নিয়ে ওদের ছেড়ে দিয়েছে । ব্যাটা বান্দাল ।

সদা । দেখ্ বেটী গাল দিসনি—দেখদেখি মা ! মিনি অপরাধে আমারে গাল পারছে ।

শারদা । যা—বাইরে যা ! এমন ক'রে আর ঢুকতে দিসনি—বাবুর যে প্রাণ গিছলো ।

আনন্দ । গিয়েছিল কি গিয়েছে—ও বাবা ! মুচ্ছদী হওয়া ত বড়ই বিপদ ! সারো—ধরো—আর মনে মনে আমার অবস্থাটা ঠিক কর ।

শারদা । তা ভগবান তোমার কাছে পাঁচজনের অল্পের জোগাড় রেখেছেন, তারা আসবে না ?

নিতাই । এই আমার মা না হ'লে এ কথা বলে কে—মা আমার অল্পপূর্ণা । আসবার জন্তে ভগবান বাবুকে বড় কবেছেন, আসবে না ! পা চাটার চোটে পা ক্ষরে যেদিন বাবু হাঁটুতে হাঁটবেন, সেই দিন মুচ্ছদিগিরি মানাবে ।

আনন্দ । দেখ্ সদা ! এবারে যদি আমাকে না জানিয়ে ছুট বলে মানুষ ঢোকাস্, তা হ'লে তোমার বরতরফ ।

শারদা । নাও—ওঠ ।

ঝী । শুধু বরতরফ—ঝাঁটা মেরে বিদেয় করে দেবো ।

(শারদা ও ঝী আনন্দকে লইয়া প্রস্থানোত্ত)

আনন্দ । আর দেখ্ এবার থেকে আমাকে বাবু বল্বিনি—ছব্বুর বলবি !—

সদা । যা আজে ! ছজুর ত কই ।

আনন্দ । কই না—কেবল ছজুর কইবি—বাবু বললেই
অস্বীকার ।

নিতাই । আর খোকা বাবু কেবলবি—ছোট ছজুর—খুকী
বাবুকে বলবি মিশিবাবা ।

সদা । যা আজে ।

আনন্দ । শুধু যা আজ্ঞা নয়—মনে করে রাখ—

সদা । রাখছি ।

নিতাই । আর মাকে মেম সাহেব বলবি । আর বী বেটীকে
বলবি আয়া ।

বী । পোড়া কপাল ! আয়া তোর মাগ হোক—আমি
বষ্ট্রুমের মেয়ে আয়া হ'তে যাবক্ কেনে ?

নিতাই । কাজে হবি কি বেটী, নামে হবি । কাপড়খানা একটু
ঘেরাটোপ করে পরবি ।

বী । না বাবু ! আমি আয়া হতে পারবো নি ।

শারদা । মেমসাহেব হ'ব কিগো ! হিঁ ছুর মেয়ে ও সব কি !

আনন্দ । হ'তে হবে । ব্যাপারখানা কি বুঝতে পারছ না—
আমার সম্পদটা কি হ'ল দেখলেনা—এ কি যে সে বাঙ্গালীর
হয় ! উমেদারী করে পা ধ'রে ধ'রে চব্বগটা খোঁড়া ক'রে দিয়ে
গেল !

শারদা । চল—চল—পায়ে চূণ হলুদ দিইগে । আহা হা পা-টা
ভেঙ্গে দিয়ে গেল গা !

আনন্দ । এতে বোঝ শারো—বোঝ—দেশটার কি অবস্থা
হয়েছে বোঝ ।

(নিতাই ইঙ্গিতে ঘুষের অংশ লইবার চেষ্টা—উভয়ের
ইঙ্গিতাভিনয়)

আনন্দ । আর দেখ নিতাই, একটা খেত পাথরে আমার নাম
খুদিয়া আন, এন, ডি বানরজী । আনন্দ নামটা পাড়ার্গেয়ে
পাড়ার্গেয়ে, ও আর রাখছি না ।

চতুর্থ দৃশ্য ।

ভৈদোর ধার ।

সহর রঙ্গিণীগণ ।

তুখ এলো আন গেল ।

দেঁতোর হাসি হেসে যেমন সোঁদামিনী মিলালো ॥

সোণা দানা পর'বো ব'লে এলুম সহরে,

কুলের মুখে কালী নিয়ে বুচ্'কি নিয়ে—

বেল তলাদে কুল তলাদে রাত চপুরে অ'ধারে—

এসে ছ'দিন তুন তুড়াকি—দেহ ফুলে হোল গোলালো ।

তার পরেতেই তারক নাথ—

হবিয়্যি আর পাস্তা ভাত—

তারাগোণা মারারাত একি হায় হোল ॥

হ'লো পা সরু আর হাত নলু

পেট গজন্দর গাল ফুলু,

এবার, একটু খানি চড় লে মাত্রা যাত্রা ফুরালো ॥

পঞ্চম দৃশ্য।

রাত্তা।

মুরলীধর ও মুকুন্দ।

মুরলী। ও মুখুজ্যা! এ হইল কি! এত করিয়াও ত
আনন্দের সন্ধান পাইলাম না।

মুকুন্দ। ব্যস্ত হও ক্যান! একি তোমার কোতলপুর বে
দেশের মানুষ সপ্তগ্রামবাসীর সংবাদ রাখবে। এ কলকত্তা—এখানে
এ বারি ও বারির সমাচার রাখে না।

মুরলী। তবেই ত বিপদের কথা হইল মুখুজ্যা। আনন্দের
যত্নপি-পীড়া হয় ত প্রতিবাসীতেও সংবাদ রাখবেন না। আনন্দ
বাঁচিবেন ক্যান।

মুকুন্দ। যখন আনন্দ এ দেশে বাস করচে—তখন একটা
বসন্ত ত হইচে। তুমি আনন্দ আনন্দ করিয়া বাউরা হইচ
আনন্দ তোমার কি সংবাদ রাখাচ।

মুরলী। আহে ভাই—মায়া-নীচগামিনী হইয়া সর্বের নষ্ট
করচে। আমি আনন্দ আনন্দ করিয়া উন্মাদ হইলাম, আনন্দ
হইবেন ক্যান? শাস্ত্রত এমন কথা লিখে না।

মুকুন্দ। ক্ষণেক এইস্থানে অপেক্ষা কব। আমি একটু অগ্রসর
হইয়া সন্ধান লইয়া আসি।

মুরলী। সাবধান [হইয়া পথ চলবেন। পথে পদ বারাইলাম
তো বিপদ যেন হাজার বদন বাহির করিয়া আমাগোর গ্রাস করবার
লগে ছুটিয়া আইল। বক্ষা কর গোবিন্দ—এমন দেশেও মানুষে
বাস করতি আইসে। সম্মুখে দেখলাম ত পশ্চাতে গুতা খাইলাম—

পশ্চাতে চাইলাম ত অমনি এক শালা ঘরে—যেমন ব্যাঘ্র হরিণ শিকার করে—এমনি করিয়া ঝাপাইয়া পড়লো ।—পথের মধ্যভাগে ধর্ম্মরাজ হা করিয়া আর চিত্রগুপ্ত খাতা খুলিয়া বসিয়া । পা দিলাম তো ব্যাতির মধ্যে চললাম । যম নানা মূর্ত্তি ধরিয়া মানুষ খাবার লেগে ছুটাছুটি করচে । ছ্যাকরা ঘব ঘর করচে, ট্যারামারা ট্যাং ট্যাং করচে—আবার এক শালা বুনা গুকের মতন ভোঁ ভোঁ করিয়া ফরব্ করিয়া ছুটিয়া চলছে—হা মুকুন্দ মুখুয়া—কইবার পার, আমাগোর দ্যাশে যম-রাজার এত আধিপত্য হইল ক্যান ? বাঙ্গালী কি নবিয়া বৃত্ত হইবা ।

মুকুন্দ । আরে মরচে কই ! তুমি কেবল মরবারই ঢাথো—যেমন শালার হাওয়ার গারি ভোঁ করিয়া আইচে, অমনি রাহিজন পৌঁ করিয়া পালাইচে—এ তো যমে মানষে লুকোচুরি হইচে । মরচে কই ! মরণ হইলে ত ভালোই হইত । টীকাগুলোর শ্রদ্ধ হইছে দেখিচ না ! আমাগোব রাধানগরে রতিসার পুতি পঞ্চাশ সহস্র মুদ্রা ব্যয় করিয়া একটা হাওয়ার গারি আনলো—গারি আনিয়া ক্যামন শালার পুত্ তার উপর আরোহণ করলো—অমনি বৌ বৌ করিয়া গারি ছুটলো । আমাগোর দেশ ত আর কলকাত্তা নয়—ক্যামন বোকা ছাওয়ারল ফুঁর্ত্তি করিয়া গারীর মোর ফিরাইতি ষাইবন, অমনি ঝপাঙ করিয়া এক ডোবার মধ্যে—গারি এমনি হইয়া—বাবাজী এমনি হইয়া—আর শালার চালক তেমনি হইয়া পঙ্কের মধ্যে—বাবাজীউরা পঙ্কমাথা বৃত্ত হইয়া—মাথা হেঁট করিয়া ঘরের ছাওয়ারল ঘরেই ফিরলো—পঞ্চাশ সহস্র মুদ্রা ন দেবার ন ধর্ম্মায়—জলসাৎ হইল । বীরুয়া আমাগোর দেশে কি আর মানুষ আছে । কতকগুলো নাবালকে দেশ ভরিয়া গেছে । যা নুতন

দেখবেন, অমনি অন্ধ হইয়া তাই কিনিবার লগে ছুটিবেন—ওই পঞ্চাশ সহস্রে অমৃততঃ দশটা দিঘৌ খনন হইত—দেশের প্রজা জল খাইয়া বাচিয়া যাইত ।

মুরলী । ভাদ্র মাসে কৃষ্ণের জন্ম হইল—আর পৌষ মাসে হইল কৃষ্ণমাস—এ হইল কি মুকুন্দ ! পাঁজি পুথি কি .ওলট হইয়া গেল—

মুকুন্দ । তাতে হইচে কি—পূজা নাই—পার্বণ নাই—কেবল আমাগোর দেশের কমলার শ্রদ্ধ হইছে । লন, অপেক্ষা করেন, আমি একটু আঙু বাড়াইয়া তোমার ভ্রাতৃপুত্রের সন্ধান করি ।

মুরলী । সন্ধান মিলে ৩ রইব । নতুবা অচুই পাপ কলিকাতা ত্যাগ করিয়া কাশা যাইব । আব এখানে রইব না । কালীদর্শন হইল—মা গঙ্গায় প্রাণ ভরিয়া অবগাহন হইল, আর এখানে রইবার প্রয়োজন কি !

মুকুন্দ । ক্রুদ্ধ হও ক্যান—মরণান্তে পিণ্ড পাইবেন—ভ্রাতৃপুত্রের পুনত্যা—পত্রের উপর ক্রুদ্ধ হইলে কাম চলিবেন ক্যাধা ।

মুরলী । আরে খোও পুত্র ! আমি মরলাম কি বাঁচলাম—সে কি এযাবৎকাল সংবাদ লইল । স্ম্যেষ্ঠ কলকাতায় বিবাহ করলেন । আমাগোর ত্যাগ কবিয়া কলকাতায় আইলেন । আমি চরণ ধরিয়া কতই না রোদন করচি—ভাই কথা না শুনিয়া স্ত্রীর মতলবে দেশ ত্যাগ করলেন । কলকাতা হইয়া, জোনাস্থান ত্যাগ করলেন ।

মুকুন্দ । আরে ছি ! ভাই কি মানুষের কাজ করচে । আমরা বাল্য বন্ধু ; আমাগোর বিস্মৃত হইল !

মুরলী । কওত মুখুখ্যা—মন কিমের লগে ভ্রাতৃপুত্রের প্রতি আসক্ত হইবে !

মুকুন্দ । তবে ভ্রাতৃপুত্র—পিণ্ডাধিকারী হইয়াই ত গোল বাধাইচে ।

মুরলী । হঃ—ওইটাইতেই ত গণ্ডগোল বাধে—আমি পলাতক হইবার পারছিলাম । বিশেষতঃ ব্রাহ্মণী মৃত্যুকালে বিশেষ করিয়া অনুরোধ করতেন, আনন্দকে বিষয় হইতে না বঞ্চিত করা হয় । একারণ আনন্দের সন্ধানে আটাইছি । নতুবা আমি ত পোষ্যপুত্র লইবার আকিঞ্চন করছিলাম—গৃহিণী কইল ভ্রাতৃপুত্র বর্তমানে পোষ্য লইবন ক্যান । অধর্ম হইবা ।

মুকুন্দ । তোমার গৃহিণীর গুণ কি একমুখে কইবার পারি—
তিনি সাক্ষাৎ সত্যী ছিলেন—

মুরলী । আরে হইচে কি ভাই—আনন্দ যখন শিশু ছিল—
তখন তার জননী'র কঠিন পীড়া হইছিল । ব্রাহ্মণী সেই সময় শিশু আনন্দকে বক্ষে করিয়া মানুষ করছিলেন—তদবধি মায়ামুগ্ধ হইয়া আনন্দের লেগে কাতর ছিলেন । মৃত্যুকালে আনন্দ আনন্দ করিয়া দেহত্যাগ করতেন ।

মুকুন্দ । মৃত্যুর পর তিনি আনন্দই পাইছেন ।

মুরলী । সেই কারণে আনন্দের সন্ধান করছি । কতবার পত্র দিলাম আনন্দ উত্তর দিল না । আর দেখ মুখুয়্যা জ্যেষ্ঠ কলকাত্তার আসিয়া কি রাজত্ব পাইচে দেখাবাব বরই কৌতুহল হইচে । আমিত পৈত্রিক সামান্য সম্পত্তি হইতে ব্যবসা তেজারতি করিয়া ত্রিশ সহস্র মুদ্রা আয়ের সম্পত্তি করলাম । তাই ভ্রাতৃপুত্র কি করলো জানিবার বরই কৌতুহল হইচে । শুনলাম ভাই বড় আপিসে চাকুরী করলেন—আনন্দও একটা বড় কোম্পানীর বড় শাবু হইবে—মুকুয়্যা আমি চাষ ব্যবসায়ে কি করলাম আর

ছোঁচ চাকরী করিয়া কি করলেন, একবার মিলাইব । দাদাত
আমাগোর দুঃখী রাখিয়া চলিয়া আইছেন ।

মুকুন্দ । তুমিত স্বনাম ধন্য ভাগ্যবান—তোমার তুল্য পুরুষ
কয়টা আছে । কণেক অপেক্ষা করেন—আমি অগ্রসর হইয়া
সন্ধান লই ।

মুরলী । আমি যে ধনা হইছি একথা বেটােরে কই নাই—
ধনের সংবাদ পাইলে কত শালাব পুত আসিয়া আশ্বীয় হইতে
চায় । একারণ আনন্দকে ধনের সংবাদ দিই নাই ।

মুকুন্দ । অপেক্ষা করেন—কুত্রাপি যাইবেন না—

মুরলী । সাবধানে যাইবা পথ হারাইলে, কাশীবাসের
পরিবর্তে হাঁসপাতাল বাস হইবে ।

মুকুন্দ । আরে ভীত হও ক্যান—আমি হপ্তবার কলকাত্তায়
আইচি ।

(প্রস্থান)

মুরলী । এত ক্রোধ করছি, তবু মায়াতো ত্যাগ করতি
পারছি না । হা গোবিন্দ ! আনন্দের ঘরে কি আনন্দ লুকাইছ—
কিছুই বুঝলাম না—নইলে কাশী যাইবার লেগে চরণ বারাইয়া
পটলডাক্তার পক্ষে মগ্ন হইছি । সর্বত্রই পঙ্ক—শালার ডাক্তাকে
পটোল কইলা কে ! দুর্গক্ষে পথের মধ্যে দারাইবার সাধ্য কি—
আনন্দ রে ? তবু তোর লেগে জীবন্ত এই নরক ভোগ করছি ।
তুনিছ আনন্দের পুত্রকন্যা হইচে—শালা আর শালীর জন্য
কিঞ্চিৎ অর্থ সাথে লইছি—আর মুখ্যজ্যেকে গোপন করিয়া লক্ষ
মুদ্রার নোট পাকরীর মধ্যে রাখছি—পুত্রবধুকে দেখিয়া তার
হস্তে দিয়া মুখদর্শন করবো ।

ষষ্ঠ দৃশ্য ।

নিতাইয়ের বাটীর স্তম্ভের গলি ।

(গৌরমণি, নিতাইচাঁদ)

নিতাই । পেটে খেতে পাচ্ছি—মাগী এই ঢের । আবার সামিঙ্গ । মোট পোনেবো টাকা মাইনে তাতে তিনটে পেট খেতে—আট টাকা চালের মন । ভাগো নন্দবাবুর নজরে পড়েছিলুম, তাইতে ছুপয়সা এদিক ওদিক থেকে পেয়ে মান সল্পম বজায় রেখে চলছি ।

গৌর । তবে কি শীতে হি হি করে মরবো ?

নিতাই । আরে পাগলী ! এখন হগ সাহেবের বাজারে চলছি । বাড়ুয্যে সাহেব সাহেবদের বড়দিনের ভেট দিবে । দু পাঁচজন ইয়ার বকসীও থাকবে । যে সব গরম গরম তাজা জিনিষ আনবো, তার কিছু কি বাড়ীতে না রেখে সব নিয়ে যাব । তার একটু আধটু মুখে দিলেই শরীর গরম হয়ে যাবে । এই পৌষের শীতে পাথার বাতাস খেতে হবে ।

গৌর । পোড়া কপাল ! সেই স্লেচ্ছ জিনিষগুলো মুখে দিতে হবে ।

নিতাই । আরে দূর পাগলী ! স্লেচ্ছ তোরে কে বললে—ভেড়ার মাংস গ্রামফেড-ছোলাথেকো খাঁটা নিরিমিষ—কপি, মটর, কমলা চিংড়ি একখানি খোলা—আশ নেই—এর স্লেচ্ছ কোনখানটার—তার ওপর পাটনেয়ে পেরোজ—তোফা কালিয়া করবি বুঝলি ।

গৌর । ধু ধু পেরোজ কি হবে ।

নিতাই । কেন, ধু কেন ? পাটনা—পাটলীপুত্র—রাজা

অশোকের রাজধানী—বাবা অহিংসা পরমোধর্ম—থু কেন
চাঁদ—পাটনাই গোঁয়াজের তুল্য নিরিমিষ পদার্থ কি জগতে আছে ।

গৌর । না না ওসব চাইনা— তুমি আমার জন্ত একটা সামিঙ্গ
আর মেয়ের জন্ত একটা ফেলানেলের বাঘরা আনবে ।

নিতাই । দেখি যদি হিসেব ক'রে, পয়সা বাঁচে ।

গৌর । ও আমি শুনতেই চাই না । যা আনবার তা আনবে
—তা ছাড়া ওতুটা আনা চাইই-চাই ।

নিতাই । আচ্ছা দেখা যাবে । তুই দরজা দে—

গৌর । দেখা যাবে নয়—তা হলে কি বাবুর মোসাহেবী কর ।

নিতাই । দরজা দে—দরজা দে—কে একজন দাঁড়িয়ে আছে ।

গৌর । থাকনা, আমি কি অণ্ডায় কবছি ।

নিতাই । ওরে বিদেশী—বিদেশী—গ্যার অণ্ডায় বোঝে না—
দেখলেই দুম্বা ভাববে ।

গৌর । তা ভাবুক— হরিবাবু তার স্ত্রীর জন্তে পঞ্চাশ টাকা দে
একটা পশমী বডি এনে দিয়েছে ।

নিতাই । এনে দিয়েছে মাথা কবেছে—কি করে এনেছে তা
জানিস ?

গৌর । আমার জানবার দায় পড়ে গেছে ।

নিতাই । সে কি গৌর —গৌর হে—আমি যে তোমার নিতাই
চাঁদ । মন মজান গৌরমণি । তুমি যে আমার সহধর্মিণী—আমার
উদ্ধার কার্যে যে তু' একটা ঝড়তি পড়তি বাদ থাকবে, তার উদ্ধার
যে তোমাকেই করতে হবে, তবে তোমার না জানলে চলবে কেন ?
কি করে এনেছে—একবার দেখবে ! (ছাণ্ডনোট বাহির করিয়া)

গৌর । কি ও—

নিতাই । আরে দেখনা—পড়তে শুনতে জান—ডাবডেবে চোক দুটো আছে পড় না ।

গৌর । ওমা তোমারই কাছে !—হাওনোট ।

নিতাই । শুধু কি আমার কাছে—মোট পঞ্চাশ টাকা মাইনে—আট টাকা চেলের মনে আটটা পেট খেতে, তাতে কি আর স্ত্রীর বডিশ চলে—দেনায় চুল বিক্রী । আমি যদি অসময়ে মরি, তাহলে তোমাকেই যে হামুঁরাই হয়ে মামলা করে টাকা আদায় করতে হবে ।

গৌর । তা যদি জান—তা'হলে পোড়াকপালে মিনসে শুধু হাতে টাকা ধার দিলে কেন ?

নিতাই । শুধু ! দেখ না মাগী, তারপর 'হাউ চাউ করিস । এক বছরে শুদে টাকা আদায় হয়ে যাবে ।

গৌর । দেখো, সাবধান থেকো—যেন আসল না মারা ঘাঘ ।

নিতাই । সে তোমাকে বলতে হবে না । আমাকে কি তুমি হরিবাবুর মতন হতে দেখতে চাও । সে পঞ্চাশ টাকা মাইনের কেরাণী আর আমি পোনেরো টাকা মাইনের সরকার দু'পয়সা উপরি আছে বলে, মান সম্মম বজায় রেখে চলছি । নইলে দিন কাল যে রকম পড়েছে, তাতে চাকরীতে কি আর কারও পেট চলবে মনে করেছ । গৌরমণি এখন নাকে মুখে দুমুটো গুঁজে কোনও রকমে জীবন ধারণ কর । ওসব সামিজ্য কামিজের কথা ছেড়ে দরজা দাও । আমার বেলা হয়ে যাচ্ছে ।

(সদারামের প্রবেশ)

সদা । ও বাবু ! তুমি এখনও দারিবে .আছ, হুকুর বে তদী করচে ।

নিতাই । এই যে—এই যে—আমি একবারে শ্রীহর্গী বলে পা
বাড়িয়েছি দরজা দাও—দরজা দাও ।

সদা । বাবু আপনকার সাথে কি একটা কইবে । তুমি
শিগ্গির চল ।

গৌর । তবে স্ত্রবিধেমত—যদি পার—না আনলেও দোষ নেই
আনলেও নিষেধ নেই । (দ্বার রুদ্ধকরন)

নিতাই । সে তোমাকে বলতে হবে কেন ।

সদা । কি আনবে বাবু ?

নিতাই । আরে রাম বল কেন কও—ঝঞ্জাটের কথা কেন
কও—মেয়েটার জন্ত লবঙ্গুস আনতে হবে—এই তার ফরমান্দ আর
কি ! নাও চল চল—বাবু কি বকছেন সদারাম ?

সদা । আপনার যেতে বিলম্ব দেখে ব্যস্ত হচ্ছেন । বড় দিনে
কাকে কি দিতে হবে তার ফর্দ করবেন ।

নিতাই । ফর্দ ত পড়ে আছে, তার আবার করতে হবে কি—
ড্যাপল সাহেব একশো লেবু—পাঁচটা বটের দুটো কাদাখোঁচা—বসু,
বাউএল সাহেবেরই একটু হাস্কাম দুটো পেরু—দুশো বটের আর
আড়াইটা ভেড়ায় তার টিফিন হবে । তা সব ঠিক করে দেবো—
নাও চল চল—

(মুরলীর প্রবেশ)

মুরলী । মুশায় কইবার পারেন—

নিতাই । না বাবা এখন পারেন না ।—এখন কুমমাসের
বাড়ার করতে চলেছি । নে আর সদা—

মুরলী । আরে বিটা কর কি—একটা কথা কইবার অবসর
নাই ।—

নিতাই । না—না—বড়দিনের কথা কি মিনি পয়সায় হয় ।

মুরলী । আরে ভাই—পৌষ মাসের দিন শু বৎসরের সকল দিন হইতে ছোট হইল—তবে বড়দিন হইল ক্যাধা—আমাগোর দেশের ছোট দিন কি কলকাতায় আসিয়া লড়া হইল নাকি !

নিতাই । হইল বইকি মশায় একটা পুঁটে দিন কুশচানের পরব—তাকে হিঁ ছ, মুসলমান, জৈন, পারসী, কুশচান ভারতে যেখানে যে জাত আছে, সবাই প'ড়ে টান দিচ্ছে, কাজেই না বড় হয়ে আর করে কি ! টানের চোটে রবারের মতন চড়চড় করে বেড়ে গেছে ।

মুরলী । বেশ ভাই বেশ—শুনিয়া সন্তুষ্ট হইলাম—আর তোমার পুত্র কত্নার খাওয়ার জন্ত যৎকিঞ্চিৎ দিলাম ।

নিতাই । বা ! এ ত ভারী মজার :লোক—মশায় কোথায় আপনার যাওয়া হবে ?

সদা । সে আমি পুছ করছি—আপনি যান ।

নিতাই । আচ্ছা ভাই ! তুমি এ'র সঙ্গে ছ'টো কথা কও ত—মশায় দয়া করে আমাকে যা দিলেন এই আমার যথেষ্ট—

সদা । বলি যাওনা বাবু ! (স্বগত) কেবল ফাঁক মারতে চাও ।

নিতাই । আরে যেতে ত লেগেইছিরে ! আমি কি দাঁড়িয়ে আছি । মশায় ব্রাহ্মণ—

মুরলী । হঃ—

নিতাই । প্রণাম—প্রণাম—

মুরলী । তোমার বধু কি আনিবার আদেশ করছিল, আমি অন্তরালে দাঁড়াইয়া শুনলাম ।

নিতাই । বটে—বটে !—সদা—সদা—ভাই ! ঠাকুরকে ঘরে

নিরে যাও—আমার ঘরে নিয়ে যাও—ঠাকুর অন্তরালে বধু দেখেছেন ।

দ্বীকে বল—ঠাকুর—আমার ঠাকুর—

মুরলী । তোমাদের কথা শুনলাম—শুনিয়া -বিস্মিত হইলাম ।

তুমি ত স্বামী—আবার পরমা দিয়া স্বামী কিনিয়া আনিবে কি !

নিতাই । হা হা (হাস্ত) রগড় আছে—বাবাঠাকুর ওতে একটু মজা আছে—এসে বলনো ।

মুরলী । বেশ—ফিরিয়া আইস—ওই অর্থ বুঝিবার জ্ঞান আমার কিছু কৌতুহল হইচে ।

নিতাই । যে আজ্ঞে (প্রণাম) তাইত ! কি স্নপ্ৰভাত—কি স্নপ্ৰভাত ! আমার ত সত্য সত্যই বড়দিনরে !

(প্রস্থান)

সদা । এ ত দেখছি আমার দেশেরই লোক । আগি কিন্তু বাবুর কাছে থেকে কলকাত্তাই হইচি ! ধরা দেওয়া হচ্ছেনা বাবা ।

মুরলী । ওহে বাবু ! তুমি কইবার পার, আনন্দ বাকুয়া থাকেন কেনে ?

সদা । আন্দো বাকুজ্যে ? তার বাড়ী কমনে ?

মুরলী । পটলডাঙ্গায়—

সদা । পটলডাঙ্গায় ত হুশো আন্দো আছে—কোন গলি ?

মুরলী । কোন গলি—অর্থটা কি ? সরু কও না প্রশস্ত কও ?

সদা । গলির নাম কি ?

মুরলী । হঃ—কও কি—এখানে কি গলির অন্তপ্রাশন, নামকরণ হয় নাকি ?

সদা । হয় বই কি—

মুরলী । তবে ত সাবালক গলি, সাবালক গলি আছে !

সদা । আছে বইকি ! ঠাকুর ! গণির নাম না জানলে এখানে কেউ তোমাকে আনন্দ বাক্য্যার কথা বলতি পারবে না ।

(মুকুন্দের প্রবেশ)

মুরলী । ও মুকুণ্ডা ! আনন্দের সাক্ষাৎ যে ভার হইল !

মুকুন্দের । ভার হইবে না—মিলচে চলি আঁস—

মুরলী । হা গোবিন্দ মিলচে ! চলেন চলেন । হা গোবিন্দ !
এতক্ষণ পরে সদয় হইলে—

মুকুন্দের । একটু সভ্য হইয়া চল—ব্যস্ত হইবেন না—তোমার
ভ্রাতৃপুত্র আনন্দ সভ্য—সাবধানে চলতে হইবে ।

মুরলী । অগ্রে ত চলেন—পরে সাবধান হইব ।

সদা । আনন্দ বাক্য্যা আপনগর কেতা হয় ?

মুরলী । ওরে শালা বাঙ্গাল তুমি কলকাত্তাই হইয়া আমাগোর
সাথে চাতুরী করছ ।

মুকুন্দের । আপনগর নিবাস ?

সদা । আজ্ঞে পলাশপুর ।

মুকুন্দের । পলাশপুর ! ভীমভাঙ্গা পলাশপুর ?

সদা । হঃ !

মুকুন্দের । পলাশপুরের কেতা—কার ছাওয়াল ?

সদা । আজ্ঞে হারাদন পরামাণিক ।

মুরলী । ও শালা ! শালায় বেটা শালা ! তুই হারাদন নাপুতির
বেটা । তুমি শালা আমার প্রজা—কলকাত্তাই হইয়া তুমি
আমাগোর সাথে রহন্ত করতিছ—

সদা । (ভূমিষ্ঠ হইয়া) আজ্ঞে রাজা কমা করেন । না বুঝে

কইছি—নাকে ধং দিইছি—কর্ণ মর্দন করছি—আপনগর ও
খাইছি ।

মুরলী । নে চল্—আনন্দ বাক্য্যারে দেখাইবি চল্ ।

সদা । মুইয়্যা ওনারে চিনিনা দেবতা !

মুকুন্দ । আরে আমি সন্ধান করছি, আসেন বাক্য্য
আসেন ।

উমেদারগণ ও স্ত্রীগণ ।

পুরুষ । শুধু চাকরী চাকরী চাকরী—

স্ত্রী । বাবু ফ্যাটা বেঁধে নাটাই ঘুরে, দেখেন কেবল ফুল ঝুরী ।

পুরুষ । করে পাঁচ পাঁচটা পাশ,

স্ত্রী । বাবু বিদ্যাতে হাঁস ফাঁস,

পুরুষ । (এখন) ডোর কোপিন আর বহিবঁস—

স্ত্রী । বল হরিবোল হরিবোল হরি

পুরুষ । অনিত্য সংসার —

দারা পুত্র কৰ্ম্ম স্ত্রী ছায়বে কেবা কার ।

স্ত্রী । তবে পেটটা বাধায় গঙগোল

(তাই) সিঙে ফুকে বাজাই খোল,

সকলে । একটু খানি অলি গলি ঘুরি,

বলি হরিবোল হরিবোল হরি ।

দ্বিতীয় অঙ্ক ।

প্রথম দৃশ্য ।

(আনন্দের বৈঠকখানা)

মাষ্টার, সঞ্জীব ও পাটলা ।

মাষ্টার । নাও, ভাল ক'রে মুখস্থ কর । দেখো আজ ভুললে আমি তোমাকে বড়ই বকবো । নাও পাটলা ! তুমি কেবল লিখতে থাক ।

সঞ্জীব । কেন মাষ্টার মশায় । আমার কি মুখস্থ হয়নি ।

মাষ্টার । খুব হয়েছে—হয়নি কি বলছি । তবে আরও মুখস্থ কর । কেবল মুখস্থ কর । ভূগোলটা একেবারে ঠোঁটের ডগায় করে রেখে দাও । একজামিনের সময় পরীক্ষক জিজ্ঞাসা করতে না করতে যেন ফড়্ ফড়্ করে বেড়িয়ে যার ।

সঞ্জীব । ও বাবা ! ভূগোলটা কি লজ্জুকুস যে ঠোঁটের ডগায় ক'রে বসে থাকবো ।

মাষ্টার । না পার, গিলে ফেল—গিলে ফেল ।

সঞ্জীব । কি আমি কি রাক্ষস যে ভূগোল গিলে ফেলবো ।

মাষ্টার । আরে বাবা আপাততঃ আপাততঃ—তোমার বাপ যতক্ষণ বাড়ী—তারপর উগরে ফেলো উগরে ফেলো ।

সঞ্জীব । কি, ভূগোল কি সামান্য পদার্থ—তার ভেতরে কত দেশ কত মহাদেশ—দেশের ভেতর কত জঙ্গল—জঙ্গলে কত বাঘ ভায়ুক—আমি ভূগোল গিলে ফেলবো !

মাষ্টার । আরে বাবা ! ঘণ্টাখানেক পরে উগরে ফেলো !

সঞ্জীব । কি আমার তাতে গলা চিরে যাবে না ।

মাষ্টার । কিছু হবে না বাবা ! মুচ্ছুদির ছেলে তুমি—এরপর পাটের গাঁট খেয়ে হজম করবে—তোমার ও সাধাগলা—ওতে খগোল ভূগোল গণ্ডগোল—সব সড় সড় কবে চলে যাবে—কিছু বাধবে না । নাও বাবা পড়—দশটা টাকা মাসে পাই, তাতে কষ্টে সৃষ্টে বাসা ধরচটী চালাই—কেন তাতে বাগড়া দাও ।

সঞ্জীব । মাষ্টার মশাই—আমি মুচ্ছুদি হ'লে আপনাকে বিল সরকার করে দেব ।

মাষ্টার । দেবে বইকি বাবা ! বেঁচে থাক—দেবে বইকি । তবে আমাকে এখন বাঁচিয়ে রাখ । একটু পড় বাবা পড়—

আনন্দ । (নেপথ্যে) সদা !

মাষ্টার । সর্বনাশ করলে—পড় পড়—

আনন্দ । (নেপথ্যে) সদা !

ভৃত্য । (নেপথ্যে) হুজুর !

মাষ্টার । পড়ো - পড়ো—পড়ো—

সঞ্জীব । কোন খানটা পড়বো ।

মাষ্টার । এই যে এইখানে পড়—বল ভলগা—ড্যানিয়ুব—

সঞ্জীব । ভলগা—ড্যানিয়ুব—ভলগা ড্যানিয়ুব: --ডলগা ড্যানিয়ুব
—ডলগা ড্যানিয়ুব ।—(মুখস্থ করণ)

পাটলা । আমি কি লিখবো—কেথিরে দাওনা মাষ্টার মশায়—

মাষ্টার । আর লিখতে হবে না—তুমি ও পড়—বল ন্যাষা শষ্যা—

পাটলা । ন্যাষা শষ্যা—ন্যাষা শষ্যা । (মুখস্থ করণ)

(কাচা খোলা অবস্থায় আনন্দের প্রবেশ ও পশ্চাতে হাঁকা হাতে
উড়িয়া ভৃত্য)

আনন্দ । দে তামাক দে—সদা বেটা কোথা গেল ?

ভৃত্য । মোরত স্মরণ নই অচ্ছি মুনিম ।

আনন্দ । স্মরণ নই অচ্ছি—কি চক্ষু বুজে অচ্ছি ! তাকে যে
নিতাই বাবুকে খবর দিতে বলেছিলুম ।

ভৃত্য । সংবাদ দেইকুত যাউচি । যাউকিরি পথে রাত্রিবাস
করিছন্তি ।

আনন্দ । তোমার নাথা কবিছন্তি । তামাক দিয়ে শিগুগির
নিতাই বাবুকে ডেকে আন । সদা বেটা আফিসে খানসামা-
গিরি করে, দুপয়সা পেয়ে তিলিয়েছে দেখছি । সকালেই আমার
সঙ্গে দেখা করতে বলেছিলুম । ব্যাটার বাঙ্গালের বার ফটকা রোগ
হয়েছে । যা গামছা নিয়ে আয় ।

(ভৃত্যের প্রস্থান)

(আনন্দের পাদচারণ)

মাষ্টার । পড়—পড়—

সঞ্জীব । ভলগা ভ্যানিয়ুব ।

মাষ্টার । আরে—ভলগা—ভলগা ।

সঞ্জীব । ভলগা ভলগা ।

পাটলা । ভলগা কি মাষ্টার মশায় ?

মাষ্টার । ভলগা একটা নদী ।

পাটলা । ভলগা একটা নদী—ও বাবা ! ভলগা একটা নদী !

মাষ্টার । হাঁ—এই আমাদের গঙ্গা যেমন একটা নদী—

পাটলা ! কোথায় মাষ্টার মশায় ?

মাষ্টার ! দেখবে—দেখবে ?

পাটলা ! দেখাওনা মাষ্টার মশায় ।

মাষ্টার ! এই দেখ—(স্যাটলাস খুলিয়া) এই ভল্গা—এই ড্যানিয়ুব ।

পাটলা ! ও বাবা—এই ভল্গা—মাষ্টার মশায় আমি ভল্গায় চান করবো ।

মাষ্টার ! ও বাবা ! সর্দি হবে—সর্দি হবে—বড় ঠাণ্ডা জল—

সঞ্জীব ! আমি সাঁতার কাটবো ।

মাষ্টার ! বাপ্ ! বড় বড় কুমীর হাঁকরে আছে ।

আনন্দ ! কি মাষ্টার, কি করছো ?

মাষ্টার ! আজ্ঞে এই ভূগোল পড়াচ্ছি ।

আনন্দ ! ওরা কেমন পড়ছে ?

মাষ্টার ! আজ্ঞে পড়া কি—দুজনে পড়ে ভল্গায় কাঁপাই বুড়ছে ।

আনন্দ ! বেশ, দুটো একটা কোণচান কর দেখি ।

মাষ্টার ! যে আজ্ঞে—যে আজ্ঞে—বলত বাবা সঞ্জীব—পৃথিবীর উত্তরে কি ?

সঞ্জীব ! উত্তরে উত্তর মহাসাগর ।

মাষ্টার ! বা ! বা ! বলে বাও বলে বাও—

সঞ্জীব ! দক্ষিণে দক্ষিণ মহাসাগর—পূর্বে পূর্ব মহাসাগর—পশ্চিমে পশ্চিম মহাসাগর ।

মাষ্টার ! দেখছেন কি—একেবারে Blochman (ব্লক্‌ম্যান) ।
আচ্ছা মধো ?

সঞ্জীব । ভূমধ্যসাগর ।

মাষ্টার । শুনছেন হুজুর শুনছেন ।

আনন্দ । আচ্ছা—পৃথিবীর উপরে ?

সঞ্জীব । পৃথিবীর উপরে ?—উপরে ?

আনন্দ । হাঁ হাঁ—বল বল—উপরে চেয়ো না—উপরে সব
কাঁক । নীচে চেয়ে বল ।

সঞ্জীব । লোহিত সাগর ।

মাষ্টার । শুনুন হুজুর—শুনুন ।

আনন্দ । কি—উপরে লোহিত সাগর !

মাষ্টার । আজ্ঞে আপনি যে বেলায় ওঠেন, তাই জানতে পারেন
না । একটু ভোর ভোর উঠে উপরে চাবেন দেখি । দেখবেন সব
লালে লাল ।

আনন্দ । বেশ করে পড়াও ।

মাষ্টার । বেশ করেইত পড়াচ্ছি হুজুর ! ছেলে মেয়ে একেবারে
মুগ্ধবোধ । তা হুজুর ! গরীব আপনার আশ্রয় নিয়েছি—একটু
খানি আফিসে যদি গোলামকে কাজ করে দেন ।

(ভূতের প্রবেশ)

ভূত । হুজুর ! মেম সাহেব আপনক ডাকুছন্তি ।

আনন্দ । বেশ, আজ হাতে লেখা একটা দরখাস্ত নিয়ে আফিসে
যেয়ো ।

(ভূত ও আনন্দের প্রস্থান)

মাষ্টার । যে আজ্ঞে—যে আজ্ঞে—পড়—পড়—সঞ্জীববাবু—
মিশিবাবা পড়—English grammar is the art of

speaking ইংরাজী ব্যাকরণ হয় একটা কথা কইবার কৌশল—
ও ভাষা তোদেরও নয় মোদেরও নয় রে বাবা ! চার আনা পয়সা
খরচ ক'রে চাকরী'র সুবিধের জন্তে শিখা ।

সঞ্জীব । কথা কইবার কৌশল ! তা মাষ্টার মশায় গ্রামার না
কিনে একটা গ্রামোফোন কিনলেই ত চলে ।

পাটলা । হাঁ মাষ্টার মশায়—গ্রামোফোনে কত কথা কত গান ।

মাষ্টার । তাই কিনেই পড়া বাপধন—তোমাদেব কি আর
এ কটকটে কেতার মুখস্থ করা সাজে ! তা বাবা ! একটু মনোযোগ
দিয়ে পড়—আমি একবার বাসায় যাবো—হুজুর আজ কুপা
করবেন গুনলে ত—

সঞ্জীব । যান মাষ্টার মশাই, তাই যান । আপনার ভাল হ'লে
আমরা সুখী হই ।

পাটলা । হাঁ মাষ্টার মশাই—বাবার আফিসে আপনার চাকরী
হ'লে আমরা বড় খুসী হব ।

মাষ্টার । তা হবে বর্হাক বাবা ! তোমরা বড় ঘরের সন্তান,
তাতে আমার ছাত্র—মাষ্টার ম'শায়ের ভাল হ'লে তোমরা সুখী
হবেনা ত কে হবে বাবা ! তা হ'লে বাবা আজ আমি—দেখো
বাবা আমি চলে গেলে যেন উঠে যেয়োনা—হুজুর দেখতে পেলে
আমার চাকরীটুকু আর হবে না ।

পাটলা । কি পড়বো মাষ্টার ম'শায় ।

মাষ্টার । একটুখানি পড়লে—একটুখানি ছ'—ছ' করলে—
কেউ না বুঝতে পারে, তোমরা পড়া ছেড়ে পালিয়েছ ।

সঞ্জীব । যে আজ্ঞে মাষ্টার ম'শায় ।

(মাষ্টারের প্রস্থান)

আর কি পাটলা ! বামুন গেল ঘর তো নাগল তুলে ধর । আর
আমার ধরগোসের বাকস খুলে দিইগে !—

(মুরলী ও মুকুন্দের প্রবেশ)

পাটলা । ও দাদা ! দেখ কাবা আসছে ।

সঞ্জীব । পড়তে বস—পড়তে বস ।

মুরলী । ও মুখুয়া ! আনন্দ কি বাড়ীই করছে রে ! আনন্দ ত
আনন্দেই রইছে দেখছি—

মুকুন্দ । কেন রইবোন না—তোমার লাভুস্পুত্র—সে কি মূর্খ
হইবাব পারে !

মুরলী । বা—বা—এ যে বড়ই সুন্দর দেখছি ।

(সদারামের প্রবেশ)

হঃ ! তুই যে এখানে আইলি !

সদা । আজ্ঞা কর্তা ! এ যে আমার মনিবের ঘর !

মুকুন্দ । আরে বেয়াকুব তবে আমাগো মিথ্যা কইলি ক্যান ।

সদা । কই মিথ্যা কইলাম ।

মুরলী । তোরে আনন্দ বাকুয়ার ঘর কোয়ানে শুধাইলাম না !

সদা । হঃ ! কইলেন ত !

মুকুন্দ । তবে শালা মিথ্যা কইলি না !

সদা । আপনি ত আনন্দ বাকুয়া কইলেন । হজুর ত
আনন্দ ন'ন ।

মুরলী । আনন্দ ন'ন ! তবে কি ?

সদা । আজ্ঞা হজুরের নাম য়ান্-ডি বানরজী !

মুরলী । হাঃ, হাঃ—ও মুখুয়া—এ হইল কি ! আমাগোর
আনন্দ কলকাতার আইসা য়াণ্ডা হইল ।

মুকুন্দ । শুধু কি গ্যাণ্ডা হইল—কুকরার গ্যাণ্ডা হইল !
গ্যাণ্ডাও হইল—বানবও হইল—শুনচোনা বানরজী !

পাটলা । ও দাদা—এদিকেই আসছে যে !

সঞ্জীব । আরে আশুক না কি ক'রে দেখা যাক না ! তেমন
তেমন দেখলে ছুট লাগাবো ।

পাটলা । ওরা কি বলছে দাদা !

মুরলী । হঃ ঢাখ—ঢাখ মুকুয়া ঢাখ—দুইটা কমল পুষ্প
একটা কাষ্ঠাধারে প্রস্ফুটিত হইছে । মরি মরি ! সদারাম !
ও দুটা আনন্দর কে হয় রে !

সদা । আজ্ঞা কর্তা—বেটা-বেটি ।

মুরলী । ও মুখুয়া ঢাখ—লাতী লাতনী ঢাখ—

সঞ্জীব । ওবে—বাম্পাল রে ।

মুকুন্দ । আরে তুমি দাখ—এমন বিছাধরী নাতিন মিলছে—
তবে আর কাণীবাসী হ'বেন ক্যান্ ।

সদা । হাঁ কণ্ডা—হুজুর আপনগর কে হ'ন ।

মুরলী । ভাই বিটা হয় বে বিটা ।

সদা । হঃ ! হুজুব আমগোর দ্যাশের মানুষ ! কইলেন কি !
অ স্বরূপ ! কোয়ানে ছিলি—একটা মজার কথা শুনলি না ?

(ভূত্যের প্রবেশ)

ভূতা । শুনিব কাঁই—হুজুর তুপর গোসা করিছন্তি ! ইয়ে
সদারাম ! হুজুর নিয়া হউছন্তি । তুপর নিতাই বাবু ডাকি আনিবার
কইলু, তু কোয়াড় কইলু ! তু কাঁইকে এস্তা বেলাক আইলু—

সদা । মাথা কড়ছন্তি !—হুজুরের সাথে আমাগোর কি সঙ্ক
হালা উরিয়ার পোলা তা জানিস !

ভৃত্য । মু—খারাপ করিছু কাঁই ।

সদা । আসন আন—ঠাকুরকে বসা—আমি ছজুররি সংবাদ
দিবার লগে চললান । ঠাকুর—ছজুরের খুঁরা—পূজাজন—

ভৃত্য । বাবুত সাব হইছন্তি । বাপর ভাইকত মোর দেশপর
দাদা কইছু—

সদা । কইছুত—কইছু—দে ঠাকুরদের বসবার আসন দে—

ভৃত্য । দাদা ব্রাদার হউছি, বাবু মানস্ক মাথা বিগড়ি যাউছি ।
আস—বাবু আস ।—মু—ধাঁইকিড়ি আসন আনি দেউছি ।

(প্রস্থান)

মুরলী । আর এহানে বসব ক্যান । গৃহ মধ্য চল—

সদা । আসেন—আসেন ।—

মুকুন্দ । কিরে শালী—আমাগোর বিয়া করবি !—

মুরলী । এত সুন্দরী হইছিস শালী—আমার ঘরের ধন
বন্ধের ধন এত সুন্দর হইছিস—মধুর হইছিস—আর আমি
বিরহ জ্বালায় জর জর হইয়া দেশ ত্যাগ করছি—কিহে লাভী—
হা করিয়া দ্যাখছ কি?

মুকুন্দ । বাঙ্গাল দেখিয়া ডর পাইছ ?

সঞ্জীব । তোমরা কে ?

সদা । মাইন্য করেন—প্রণাম করেন—আপনকার আজ্ঞা
হইছেন ।

সঞ্জীব । আজ্ঞা হইছেন কি—

মুকুন্দ । বুঝাইয়া বল ।

মুরলী । আমাগোর দেশের ভাষা—ভাইটা কখন ত শুনে
নাই—বুঝবে কাহা—

সদা । তোমার ঠাকুর দাদা খোকাবাবু ! বাবু তোমার বাবার
খুঁসা—

পাটলা । ও দাদা ! বাবা আমাদের বাঙ্গাল !

মুরলী । ঠীক ধরছ্যা—ও মুখুয়া শালী আমার কি বুদ্ধি-
যতী হে !

মুকুন্দ । হঃ—তোর বাপ যদি বাঙ্গাল হইল—তুই কি
হইলি !

সঞ্জীব । আমরাও বাঙ্গাল ।

মুরলী । ঠীক কয়েছিস—ভাই—ঠীক কয়েছিস । বন্ধে আর
বন্ধে আর ।

মুকুন্দ । আনন্দরে দেখবার চলেন ।

মুরলী । কি পাঠ করছিলি ভাই !

সঞ্জীব । ভূগোল পড়ছিলুম ।

মুরলী । একবার কি পাঠ করছিলি বলনা শুনি । একবার
বংশধরের বাক্য শুনিয়া শ্রবণ জুরাই ।

সঞ্জীব । পৃথিবীর আকার গোল ।

মুরলী । হঃ ! কি কইলি পৃথিবীর আকার গোল !

পাটলা । কিন্তু সম্পূর্ণ গোল নহে ।

মুকুন্দ । আবার তাতে খাপচি কাটা আছে !

সঞ্জীব । উত্তর দক্ষিণ প্রান্তে কিঞ্চিৎ চাপা ।

মুরলী । হঃ আবার চাপা হইল—এ দুর্দশা অইল ক্যান ?

মুকুন্দ । ঘোর কলি—তাই ধরিত্রীর এই দুর্দশা হইছে ।

পাটলা । ঠীক কমলা লেবুর গ্ৰায়—

মুরলী । ও মুকুন্ডা আক্ষেপ করিও না—রস আছে রস আছে ।

মুকুন্দ । তাইত এই রসময় লাভী হইছে ত রসময়ী লাভিম
হইছে—

মুরলী । তোদের নাম কি ?

সঞ্জীব । আমার নাম সঞ্জীব—এর নাম পাটলা ।

মুরলী । হঃ ! পাটলা !

মুকুন্দ । পাটলা ত গাভীর নাম ।

সঞ্জীব । পটলডাকায় জন্ম বলে নাম পাটলা ।

মুরলী । ও মুখুজ্যা—শুদ্ধ রস নয়—পিত্তনিবারক রস ।

মুকুন্দ । হঃ—তাইত দেখছি !

মুরলী । যেমন জল হইতে জালা—পটল হইতে পাটলা !

চল—সদারাম চল—আনন্দরে দেখার লেগে প্রাণ অর্ধেক হইছে—

সদা । চলেন—চলেন ।

মুরলী । এই লও দাদা—এই লও দিদি—কিছু মিষ্টান্ন খাইবার
লেগে—গ্রহণ কর ।

মুকুন্দ । সর্বস্বই তোমাগো—দ্যাখছকি তোমাগোর দাদা—
তোমাগোর দেখে মুগ্ধ হইচে ।—চল—চল বাকুয়া ।

(সঞ্জীব ও পাটলা ব্যতীত সকলের প্রস্থান)

পাটলা । তাইত দাদা ! এত ভারী মজা হ'ল ।

সঞ্জীব । মজা হইল বইলা অইল—আমরা বাকাল হইলাম—

পাটলা । ও কিরকম কথা কচ্ছ দাদা ।

সঞ্জীব । চূপ দাও—আমি বাকাল হইছি—বাকালী স্ত্রী ছিলাম
বাকাল পুরুষ অইছি ।

পাটলা । ও দাদা—অমন ক'রে ব'লনা—

সঞ্জীব । বুঝতে পারিনি—জাতিবাচক শব্দের উপর স্ত্রীলিঙ্গে

দীর্ঘ ঙ্গ হর, যথা—নদ নদী, ঘট ঘটা, কাঙ্গাল কাঙ্গালী, বাঙ্গাল
বাদালী ।

পাটলা । একটা করে মোহর—চল দাদা—হাতার দাঁতের
খেলনা কিনে আনি ।

সঞ্জীব । তুই কিন গে যা—আনি এখনি ফুটবল কিনে আনতে
চললুম ।

সঞ্জীব ও পাটলা ।

ত্রিাঞ্জল বার্তাকু কোকস্বর শশা ।
ধমকিন নাউ কুমড়ো প্লাউমানু চাষা ॥
এসটা একটা মজার চিজ, আই এ দিলে হলেন ইজ
উপারেতে গুগার হলো মিষ্টি হলো খাষা ॥
লাগে দিলে আইলাগে একেবারে লও ভও—
শাঁশ টুকু সব বেরিয়ে গেল রইল পড়ে খোষা ॥
ধমসু দিলে নুতন রস, একেবারে হুঁসু ধমসু—
বিদে বুদ্ধি তাতেই বসু হাররে মজার ভাষা ।

দ্বিতীয় দৃশ্য ।

শারদা ও আনন্দ ।

আনন্দ । বা-বা ! কি সুন্দরই সেজেছো শারো—একবার অধীনের সম্মুখে আয়না ধর । কমনীয়কাণ্ডিতে একবার নিরীক্ষণ কর ।

শারদা । গেরস্তর মেয়ে সংসারের কাজ কর্ত্ত করতে হবে—একি আমাদের পোষায় !

আনন্দ । আবার তুমি সংসারের কাজ কববে কি ! এ বংসর পাটের মরসুম তবু পাইনি—শেষ শেষ সময়টা—তাইতেই পাঁচ হাজার উপরি মেয়ে দিইছি । মরসুমে কি আর রাখবো—বাজার একধার থেকে কাটতে শুরু করবো । তোমাকে একেবারে সংসারের ওপর সংসার—তারও ওপর একেবারে তিন সংসারের মাথার ওপর রেখে দেবো । তুমি তেতালায় চেয়ার ঠেসে, টেবিল ঘেসে বসে, ক্ষিপের চোটে যেমন কিড়িং ক'রে বেলটিতে ঘা মাববে—অমনি গোফহীন দাড়ী সমন্বিত তাবকেস্ববের মানসিক করা বাবাঠাকুর ডিসে করে একেবারে তোমার সম্মুখে প্রাণী-বৃত্তান্তের পাতা খুলে ফেলবে ।

শারদা । ওমা ! সে আবার কি !

আনন্দ । যখন সম্মুখে পড়ে তারা স্নিগ্ধনয়নে তোমার শ্রীমধর পানে চাইবে, তখনই বুঝবে । এখন তা আর বলছি না ।

শারদা । দেখো যেন অখাত্ত ঘরের ভেতর ঢুকিয়োনা ।

আনন্দ । আচ্ছা—আচ্ছা—খাত্ত কি অখাত্ত তখন তুমিই বিচার করবে ।

শারদা । তা যাহোক এখন কালীঘাটে পূজা দেবার কি ব্যবস্থা করলে ?

আনন্দ । তাই করবো বলেই ত নিতাইকে ডাকতে পাঠিয়েছি ।

শারদা । আমি ত একটা টাকা মাথায় ঠেকিয়ে তুলে রেখেছি ।

আনন্দ । বটে ! মনেই ছিলনা—টাকাটা দাও তো কতকগুলো ম্যাগা আনিয়ে সিন্নি দিতে হবে ।

শারদা । ওকি পাগলের মতন কইছ ।

আনন্দ । দাওনা—শারো—আমার বচন ধর—এখন কালীর কাল গেছে । কালী ছেড়ে গোর ভজ ।

শারদা । ছি ! ওসব কথা কয়োনা ।

আনন্দ । বেশ, এখন কইব না ।—তাই ত নিতেটা করলে কি ! সাহেবদের যে বড়দিনের সওগাদ পাঠাবো—তা কি কি সওগাদ করতে হবে—নিতেটা কবলে কি !

(নিতাইয়ের প্রবেশ ।)

নিতাই । আজ্ঞে হজুর ! নিতাই কি বসে আছে—সকাল থেকে সারাটা সহর চবকি ঘুরছি ।—পেরু মটনের জন্তে গেলুম হগ-সাহেবের বাজারে, চিংড়ির কাঁকড়ার জন্তে গেলুম নতুনবাজার—কমলার জন্তে গেলুম বেলেঘাটায় । আবার পথে আসতে আসতে রসগোল্লার কথা মনে পড়ে গেল ! আবার ছুটে বাগবাজার যেতে হ'ল । সেখান থেকে এই আসছি ।

আনন্দ । সব ঠিক ?

নিতাই । আজ্ঞে সব ঠিক—বাড়ী থেকে নতুন ট্রে ক'রে সরপোষে নুড়ে একেবারে হজুরের কাছে গাজিয়ে আনছি ! হজুর একবার চক্ষে দেখে আমার জীবন সার্থক করবেন আমুন ।

শারদা । পাড়াগাঁ হ'লে আর এত শিগ্গিরি জোট হ'ত না ।

নিতাই । কেও মা ! কি সুন্দর সেজেছ মা ! (প্রণাম)
এইবারে ঠিক হয়েছে—হজুরের বাড়ীর বড়দিন মানিয়েছে । পাড়াগাঁর
কথা বলছ—আরে ছি—সেখানে হ'লে—এত ঘোরাঘুরিতে বাঘেই
খেয়ে ফেলতো—রাত চারটের সময় থেকে ঘুরছি—ঘরমুখো
বাঘ কি ভালুকের মুখে পড়লে তখনি তারা আমার মাথার ঘাঁর
ফলার করে ফেলতো—

আনন্দ । পাড়াগাঁ এমন !

নিতাই । কইবেন না হজুর ! কইবেন না—ও পাপ নাম
মুখে আনবেন না—ও নামের ভেতরেই শিয়ালের দল
ছকা ছয়া করছে ।

আনন্দ । তুমি এ সব জানলে কি করে !

নিতাই । হজুর ! এ অভাগোর যে পাড়াগাঁয়ে জন্ম !

আনন্দ । বটে !

নিতাই । পাড়াগাঁয়ের দোষের কথা কি বলব । সকালে
খাঁটী পাঁচসের দুধ খেয়ে একটা মাঠ পার হ'তে না হ'তেই—পেটের
নাড়ী আবার যে চৌঁ—সেই চৌঁ—সারাদিন খেয়ে সেখানে নাড়ীর
চৌঁ মারতে পারলুম না । এখানে টাকায় চারসের দুধ—তাও
জলে জলে ঘোরা—তার এক চুমুক খেয়ে—স্বর্ণপটপটি দিয়ে
তবে পেটের বাই মারতে হয় । না খেয়ে যে দেশে মানুষে
বাঁচে—এমন সহর—এখানে পাড়াগাঁয়ের নাম করতে আছে !
আমাদের গ্রামের মিত্রিররে কলকেতায় এসে চাকরী ক'রে কি কুঁস্তি
করছে দেখছেন না । তাগাদাদারেরা সকাল থেকে সন্ধ্য পর্যন্ত
বাড়ীর দরজা ঠেঙাচ্ছে—আর তার গ্রামের লোক তার প্রকাণ্ড

বাগানের সমস্ত ফল পাকড় লুটেপুটে থাকে । এই আমার কি দেখেছেন না । আমি কুলে তিনটে পেটের জগ্রে মজা ক'রে বগল বাজিয়ে হুজুরের কাছে মোসাহেবী করছি । আর আমার জ্বাতিরা আমার ভদ্রাসনে কষ্ট ক'বে—হাল চষে সম্বৎসরের খোরাক তুলে নিচ্ছে ।

শারদা । আমার পাড়ারগাঁ দেখতে বড় সাধ হয়—

আনন্দ । ছি ওকথা মুখে এনোনা—পাড়া গায়ে কি মানুষে বাস করে ।

নিতাই । ছি ছি ! বলবেন না মা, বলবেন না । সেখানে কলের জল নেই, ট্রাম নেই, গ্যাস ইলেকট্রিক লাইট নেই,—পথ হাঁটতে জুতো চলবে না,—চাকরী মিলবে না—কেবল চাখ কর আর খাও । যত ভূতে বাস কবে । ছি ছি । পয়সা থাকতে পাড়ারগাঁ । যখন অন্ন মিলবে না, ছোট আদালতের তাড়ায় কেবল হরিণ বাড়ী আর ঘর—তখন মা লক্ষ্মী আঁচলে মুড়ী বেঁধে, মরাইয়ে ধান পুরে, পুকুরে মাছ ভবে, এই সব আমাদের মতন হতভাগাদের আদর করে ডাক দেবেন—

(মুরলী, মুকুন্দ ও সদারামের প্রবেশ)

শারদা । না একবার পাড়ারগাঁটা দেখতে হচ্ছে ।

সদা । দেখতে ইচ্ছে হতেছে—তাহলে দেখবেন—
আইসেন আইসেন—

শারদা । ওমা এ কে গো ! বাড়ীর ভেতর আসে কে গো !

(প্রস্থান)

আনন্দ । তাইত সদা ! এ বাড়ীর মধ্যে কারে আনচিস্ !

সদা । চিনছেন না—চিনছেন না—আপনগার খুরা !

আনন্দ । কে আমার খুড়ো বাইরে যাও—বাইরে যাও—

নিতাই । বাইরে যাও—বাইরে যাও—কে ছজুরের খুড়ো
বাইরে যাও—বাইরে যাও—তাইত ! সেই ঠাকুর না ! ঠাকুর বাবুর
খুড়ো ! ও কর্তা তুমি অজ পাড়ারগাঁ—তুমি আমাদের কাছে সহরে
গিরি ফলাও । একটু রগড় করতে হচ্ছে—ছজুর সহরের মাথা—
সব চোকা চোকা কথা—কে খুড়ো, বাইরে যাও—

মুরলী । কি আনন্দ—চিনছি না—তোমার খুড়া যে তোকে
বন্ধে ক'রে মানুষ করেছে !

আনন্দ । আরে ম'ল ! একি বিপদ—এযে সব সম্বন্ধ যার
দেখছি ।—এই অসভ্য আমার খুড়ো জানলে—আর কি আমার
পসার থাকবে !—কে তোমাকে এখানে আসতে বললে ?

মুরলী । মায়ার টানে আসচি—মায়ার টানে আসচি ।

আনন্দ । যাও যাও—

নিতাই । যান—যান—বড় দিনের ছুটীতে বাবু পাঁচজন সভ্য
বন্ধু নিয়ে আমোদ করবেন—তা না করে সকাল বেলা—কি বৌভৎস
দৃশ্য—কপালে ফোঁটা—মাথায় বৃন্দাবনী পাকড়ি—তাথেকে টিকি
ঝুলছে—গুধু পা, হাতে ভাঁমের গদা—সর্সনাশ করলে—সব
আমোদ মাটি করলে—

আনন্দ । হাঁ হাঁ—বাল্যকালে একজন পূর্ব বঙ্গের স্বীলোক
আমাকে মানুষ করেছিল বটে—কিন্তু তাতে কি—আমার খুড়ো
খুড়ো কেউ নেই—

নিতাই । আয়া—আয়া—আয়ার মতন মানুষ করেছিল—
কেউ নেই—হাউসওলা সাহেব বাবুর আবার টিকিওলা খুড়ো কি !

মুরলী । ও মুকুয়া—এ বানরটা কয় কি !

মুকুন্দ । গর্ভস্রাব—আবার কইবে কি ! বানরত পাথুরে
খুদেই লিখেছে—চলি আইস—চলি আইস—মর্যাদা ঘাইবে ।
রামেশ্বর ঠাকুরের সস্তান—তুই পাত ইংরাজী পড়িয়া বানর
হইছে—চলি আইস—চলি আইস—

মুরলী । ও আনন্দ কইলি কিরে—সত্যই ত তুই য্যাণ্ডা হইলি !

আনন্দ । দেখ মুখ খারাপ ক'র না ।—যাও দাও ত নিতাই—
তু'জনকে গোটা তুই টাকা দিয়ে বিদেয় ক'রে দাও ত ।

নিতাই । হজুর হাতে ভীমের গদা—বিশেষতঃ আপনার
আয়ার স্বামী—আপনি দিন ।

আনন্দ । এই নাও—তু'টো টাকা নিয়ে চলে যাও—এখানে
থাকবার ঠাই হবে না—

(ভূতের প্রবেশ)

ভূতা । হজুর ! সাহেব ভাষাখণ্ড দেউছন্তি—খানসামা দেউড়ীপর
খাড়া রইছন্তি ।

আনন্দ । দে সদা, বামুন তু'জনকে বিদেয় করে দরজা দে ।
ভালা আপদ কোথা থেকে জুটলো দেখ । (প্রস্থান)

নিতাই । এ কোথায় এসেছেন প্রভু ! আপনি নিষ্ঠাবান
হিন্দু—এখানে কেন এসেছেন—

মুরলী । বেরই ভ্রম করছি—আনন্দ এমন বৃত জানলে কি
আসতাম ।

নিতাই । বাবুর মাথা পাঁচশালা পড়ে খারাপ করেছে—
বাবু—বাবু ! ফিরে এসে গুরুজনের মর্যাদা রাখুন—বাবু বাবু !—

(প্রস্থান)

মুকুন্দ । আস বাক্য্যা—আস—

মুরলী । অসভ্য—মূর্খ—পয়সা দিয়া আমাগোর তাড়াইছ—
তোর বাড়ী প্যাচ্ছাপ করি না ।

(উভয়ের প্রস্থান)

(শারদা ও ঝী ।)

ঝী । দেখছ কি ! ফিবিয়ে আন—গুরুজন তাতে বন্ধকোপ—
সব যাবে—ও হুদিনের তুম তাড়াকি কিছু থাকবে না ।

শারদা । তাই ত ঝী—এ পরিচ্ছদে কেমন ক'রে যাই ।

ঝী । এখন ত যাও—আগে ব্রাহ্মণের রাগ থামাও—
তারপর যা হয় হবে—

আনন্দ । ও শারো আশ্রয় ধবো । বাউয়েল ফেল, সব গেল
আমায় জেলে যেতে হলো—

তৃতীয় দৃশ্য ।

পথ ।

ঝী ও চাকর ।

স্ত্রী । সহরকে সেলাম ঠুকে যাই চলে কাশী ।

পুরুষ । মু যিব তু সাথের সাথ নিয়াড়ে গল দিব কাশী ।

স্ত্রী । যা ছিল কাঠ কুড়ানি (আমি) হতে এলুম রাণী,

পোড়া বরাত ফিরলো নাকো যে দাসী সে দাসী ;

আমি এমন রূপসী,

জোর বরাতে জুটলো উড়ে ছি ছি পায় হাসি ।

পুরুষ । মু তুক যে ভাল বাসি ॥

স্ত্রী । আমি সেই পোঁটা চূনি চাল ঝাড়ুনি,
 পুরুষ । মু পাশে বসে খাদ কসি ।
 স্ত্রী । চল দেশে চলে যাই,
 পুরুষ । ধাঁই কিড়ি ধাঁই কিড়ি ধাঁই,
 উভয়ে । লাঙ্গল ফাল পাড়ি মাঠ ঝাকু হাল চবি ।

চতুর্থ দৃশ্য ।

মুবলী ও মুকুন্দ ।

মুকুন্দ । চলে চল—

(শারদা মুরলীর সম্মুখে যাইয়া প্রণাম)

মুকুন্দ । আবে মান ছুঁইছে— জাতি গেল—জাতি গেল—

শাবদা । ঠাকুর । ক্রোধ করবেন না—আমি আপনার
 অভাগিনী কন্যা ।

মুবলী । কে মা তুই ! আনন্দের বধু—একি বেশ করছিস মা !

শাবদা । ঠাকুর এখন ত্যাগ করছি—

মুবলী । রামেশ্বর ঠাকুরের বংশের কুলবধু—মা লক্ষ্মীর মতন
 রূপ—একি বিজাতীয় সাজ সেজেছিস মা !

শাবদা । বাবা ! এখন আপনার সম্মুখে পুড়িয়ে ফেলছি ।
 আজ স্বামীর আদেশে এ বেশ প্রথম পবেছি—ভগবানরূপে আপনি
 আমাকে রক্ষা করতে এসেছেন—আমাদের বংশমর্যাদা রক্ষা করতে
 এসেছেন । আপনি যে প্রায়শ্চিত্তের আদেশ করবেন, তাই করছি ।
 তবু মুর্থ ভ্রাতুষ্পুত্রকে ত্যাগ করতে পারবেন না ।

(স্বীয় প্রবেশ)

স্বী । এস বাবা এসো—জাত সাপ চোঁড়া হ'লে যে যুগ উলটে যাবে । দয়া কর বাবা দয়া কর—

মুবলী । ও মুকুয়া—মায়েব মধুর বচন শুনিয়া আবার যে হৃদয় দ্রব হইয়া গেল ।

স্বী । মা বড় ভাল - মা বড় ভাল—যেয়ো নি বাবা—অকল্যাণ কর'নি বাবা অকল্যাণ ক'র নি—

মুকুন্দ । জোননীর অপরাধ কি—দ্যুশের শাণার স্বামী গুলাইত—মাগী গুলাবে খারাপ করছে ।

(পাটলা ও সঞ্জাবের প্রবেশ)

উভয়ে । সে কি দাদাজী ! কোথায় যাবে ! যেখানে যাবে আমবা তোমার সঙ্গে যাব—

মুবলী । ও মুখুয়া আবার মায়ায় জড়াইলাম ।

মুকুন্দ । আমারও ত তাই হইল মুখ' পুত্র—তানার উপর ক্রোধ কইরা কি হইবে—জননী ! তোমার স্বামী বৃত্ত হইলে কি হয়, তুমি সদ্বংশের কন্যা—

(নিতাইয়ের প্রবেশ)

নিতাই । মা ! তোমাব পুণ্যে—তোমার স্বামী আজ সর্বনাশ থেকে রক্ষা গেল—আমি পথে যা গুনে এসেছি—ভয়ানক কণা—বলতে সাহস করছিনি—

শারদা । কি বল—গুরু ত্যাগ করতে চলেছেন, তার চেয়ে কি আর সর্বনাশ হবে ।

নিতাই । বাউএল কোম্পানী গুনছি কেল হয়েছে—এই বড়-দিনের বন্দেই—একেবারে আফিস বন্ধ ।

শারদা । তা হলে ত আমরা পথের ভিখারী হয়েছি—

নিতাই । এই ক'বৎসর ধরে লোকসান দিচ্ছিল—কিন্তু চুপি-চুপি ঠাট বজায় রেখেছিল—আমার বাবুকে কতকটা ঠকিয়ে লাভ দেখিয়ে তারে দিয়েই কারবার চালিয়েছিল । এবার পাটের বাজার একদম নেমে গেছে । মগরাহাটে সাত গুদম চাল পূরে ছিল, সব পচে ভ্যাটভেটে হয়ে গেছে ।

মুরলী । বেশ হয়েছে—আনন্দ এতকাল চাকরী করে কি করল ?

শারদা । কিছু না পিতা—যা উপার্জন করেন, তা কেবল খাওয়া আব বাবুমানাতেই ফুরিয়ে যায়—

মুকুন্দ । তবে ত বুতের ব্যাগার খাটছে—

নিতাই । সবাই তাই করছে দেবতা—সবাই ভূতের ব্যাগার খাটছে—আনছে, নিচ্ছে, খাচ্ছে—আর যেই চোক বুজছে অমনি সব ফাঁক । স্ত্রী অমনি ডিস্ট্রিক্ট চ্যারিটেব্ল্ ফণ্ডে ছটো পাঁচটা ছেলে মেয়ের হাত ধরে দরখাস্ত পেশ করছে । 'ও হাজার টাকা থেকে আরম্ভ ক'বে দশ টাকার কেবাণী পর্য্যন্ত সবার আজকাল ভূতের ব্যাগার ।

মুরলী । বেশ হইছে—আবার বাছা ধনরা দেশে ফিরে—চাষে আইস ।

শারদা । আমারত সব গেল নিতাই ।

মুরলী । তোমার কি যাইবে জননী ! তোমার পুত্র কণ্ঠার লগে আমি মাসিক আড়াই হাজার টাকা আয় রাখছি—শালা শালিরা তার কত ধাইবে !

শারদা । দয়াময় নারায়ণ ! কোথা থেকে কণ্ঠাকে রক্ষা করতে

এলে । আমার যে মাথা গুলিয়ে যাচ্ছে—আমি যে কিছুই বুঝতে পারছি না ।

মুকন্দ । মূর্থ আমাগোর ভিখারী জ্ঞান কইরা ছইটা টাকা ছুরিয়া দিল ।

সঞ্জীব । অপরাধ হয়েছে দাদা ! অপরাধ হয়েছে—আমি বাবার হইয়া নাক মর্দন করছি—

মুকন্দ । দূর শালা—বাঙ্গাল দেখ্যা, আমাগোর ভামাসা কর ।

সঞ্জীব । দাদা—দাদা আমিও তোমাদের সাথে বাঙ্গাল হইছি ।

মুরলী । তবে চল শালা কলকাত্তা ছাইয়া আমাগোর আশে চল ।

সঞ্জীব । চল দাদা—আমাদের দেশে বাই ।

নিতাই । বল্লুম ত মা ! তোমার পুণ্যে তোমার স্বামী রক্ষা পেয়ে গেলেন ।

মুরলী । তোমারই পুণ্যটা কম কি, তুমিও দাওয়ান হইলে—

সদা । আর আমার ক্ষুর টাটা বরাত—আমি খানসামাই রইলাম ।

মুকন্দ । তা কর্বি ক্যান—আশে যাইয়া ক্ষুর লইয়া তোমার মনিবের মত ব্যাকুবগুলার মাথা ক্ষাউরা কর্বা—আশে অনেক বৃত্ত হইছে । তোমার অনেক টাকা উপার্জন হইবে ।

ভূতের বেগার ।

পঞ্চম দৃশ্য ।

ধর্মতলার মোড় ।

বিলাসিনীগণ ।

সহর ছেড়ে কেমন করে যাব পাড়া গাঁ ।

ঘুরছে মাথা টলুছে গা চরণ চলনা ॥

সরছে নাকো মন

প্রাণে বাঁধছে নাক সুর

সেথা নাহিক যে ইস্ কর্ণওয়ালিস, বাগান আলিপুর ;

বুট দিয়ে পায় চলবো কোথায় এক হাঁটু কাদা ॥

গ্যাসের আলো নাইক পার্ক

দিবানিশি কেবল ডার্ক

খেতে হবে ধানে ভাতে হজম হবেনা ।

পানা পুকুর বুক গুর গুর কে নাবে বাবা ॥

ষষ্ঠ দৃশ্য ।

আফিসেব সম্মুখস্থ বাগান ।

(জনতা)

১ম নাগরিক । ও কেউ টেরপেনে না গা !—ভেতর ভেতর
জাল শুটুছে কেউ ধরতে পারলে না ।

২য় না । অনেক লোককে ফাঁসিয়ে গেছে ।

(নিতাই ও আনন্দের প্রবেশ)

আনন্দ । ও বাবা কি হ'ল—ও সাহেব কি করলে ।

১ম না। এইরে এন, ডি, ব্যানার্জী আসছে ।

আনন্দ । ও সাহেব—ও বাউয়েল সাহেব—

১ম না । আর সাহেব—সাহেব—এতক্ষণ কলছো !

আনন্দ ।- তাই ত কি সর্বনাশ হল । আমার ঘাড়ে দেনা চাপাবে ব'লে—আমাকে সেদিন চালাকি করে পাঁচ হাজার লাভ দিয়ে দিলে । ও বাবা বাড়ী ঘর সব বাঁধা দিয়ে, জ্বীর থাকিছু ছিল, তাই নিয়ে যে মুচ্ছুদিগিরি নিয়েছি গো !

নিতাই । ও সাহেব ! তোমার ভেঁটকি যাছ পচছে যে হে—তোমার পেরু যে চিলি দেশে উড়ে গেল—ও সাহেব কি করলে । বাবু যে সকাল বেলায় দুটো বামুনকে দু'টো টাকা ঠক ক'রে বকসিস দিয়ে পুণ্ডি করে এলো গো । তার ফল এই হ'ল ।

আনন্দ । ও নিতাই কি হবে ।

নিতাই । হরিণ বাড়ী হবে, আর কি হবে—মেরে ছেলে গুলো পথে ভিক্ষে মেগে খাবে—

আনন্দ । ঝা—এই আমার চাকরী'র পরিণাম ।

নিতাই । নকরীর চিরকালই—এই পরিণাম—বড় জোর ছপুরুষ—বাবু—তোমার হবু বেই ডিপুটীর পোর বাড়ী দেনায় বিক্রী হয়ে গেছে ।

আনন্দ । আমারও যে সঙ্গে সঙ্গে বিক্রী হয় নিতাই ।

নিতাই । বাঁচা যায়—

আনন্দ । কি বললি নিষ্ঠুর ।

নিতাই । ও নিষ্ঠুরেও যা বলবে ঠুরেও তাই বলবে ।

(মহাজনগণের প্রবেশ)

১ম মহা । মুচ্ছুদি কোয়ানে গেল !—

২য় মহা। মুচ্ছুদি শালা কাঁহা গিয়া। এই বে—

১ম মহা। শালায় পুং ঘ্যাণ্ডা হইছে—

নিতাই। দেখ্ শালায়া বাবুকে গাল দিস্নি।

১ম মহা। গালি দিব না ?

২য় মহা। গারি কাছে নেই দেগা !

১ম মহা। আমাগোর দয়ে মজাইছে—গালি দিব না ?

নিতাই। শালায়া পয়সা পাবি, পয়সা নিবি—বাবু কে গাল দিবি কি—ফের যদি গাল দিবি, তাহ'লে এক চড়ে তোদের গদিয়ানির অবসান কবে দেবো।

১ম মহা। টাকা দিবেন—হাঁ বাবু ! টাকা দিবেন—

নিতাই। টাকা দেবেন না ত কি—তেলি শুঁড়ির পয়সা বাবু ঘরে রাখবেন। গঙ্গাজল দিয়ে ধুয়ে তবে টাকা ঘরে তুলতে হয়। নইলে কার সাধি বাবা, তোমাদের টাকা হজম করে।

(মুরলী ও মুকুন্দের প্রবেশ)

মুরলী। কি হইছে ?

নিতাই। এই বাবুর কাছে টাকায় তথী ক'রে এই শকুনি বেটারা গাল পাড়ছে।

মুরলী। কত টাকা—

১ম। আইজ্ঞা—সর্বশুদ্ধ কিছু কম লক্ষ হইবে।

মুরলী। সবে মাত্র লক্ষ—আর নয় !

মুকুন্দ। তার লগে আনন্দিরে গাল পারতিছে কোন শালা রে !

নিতাই। সব শালাই করছে।

মুকুন্দ। বাক্শ্যা—বাহির কর।

(মুরলী উষ্ণ হইতে নোট বাহির করণ)

সকলে । তাই ত একি রে—ধুগড়ির ভেতর খাসা চাল ।

মুরলী । এই লও মুখুয়া লক্ষ ।

মুকুন্দ । এই লও—সই করিয়া মুজা লও ।

২ম ম । হামারা দশ হাজার হ্যার—

নিতাই । নে শালা—যক্ষি শালা, শকুনি শালা নে ।

তোদের যেন জন্মজন্ম নিতেই হয়—কাউকে দিতে না হয় ।

মুরলী । ওঠ আনন্দ—ওঠ—বেলা হইচে—মুখ শুষ্ক হইচে—
মা রোদন করচেন গৃহে চল ।

আনন্দ । খুড়ো ম'শায়—পিসে ম'শায় ! অঙ্কের চক্ষে আপনাদের
ষে চিনতে পারিনি—বড়ই অপমান করেছি !

মুরলী । কি করিছ—

মুকুন্দ । পুত্র তুমি—উঠ ।

আনন্দ । তাই ত কি করেছি !

মুরলী । কিছু কর নাই—উঠ ।

নিতাই । এখনও চিনতে পারনি বাবু ! এখানে থাকলে
পারবে না । সেই কর্দমাক্ত কোমল মৃত্তিকার স্পর্শ না পেলে
এ কুহকময় সহরে জ্ঞান ফিরবে না—সেই কেদারবাহিনী নদীর
স্নিগ্ধ জল চোখে না দিলে দৃষ্টি ফিরবে না ।

মুরলী । (১ম মহাজনের প্রতি) তুই কেডারে ? তোরে যেন
চিনি চিনি করছি—তুই কেডা ।

১ম মহা । আমি বুদ্ধিহরণ ।

মুরলী । চিত্তহরণের ছাওয়াল বুদ্ধিহরণ ?

১ম মহা । আইজ্ঞা হ । তিনি হন কে ?

মুকুন্দ । কোতল পুরের বাকুখ্যা—

১ম মহা । হঃ ! আমাগোর রাজা ! তিনি হনকে !

মুরলী । আমার ভ্রাতৃস্পুহরে বিটা !

১ম মহা । হঃ ! করলাম কি ! মুয়ে আগুন দ্যালাম । বাবু
আপনার ভ্রাতৃস্পুহ ! আমি জানতাম বাবু কলকাত্তাই ।

মুকুন্দ । তোরাও ত কলকাত্তাই হইছিস্—তুচ্ছ অর্থলোভে
ব্রাহ্মণেরে গালি পারছিস্ ।

১ম মহা । কি করলাম—মুয়ে আগুন ছালাম । আমি অর্থ
লইমু না ।

মুরলী । অর্থ লইবে না ক্যান—ধর্মতঃ অর্থ প্রাপ্য—লইবে না
ক্যান—আমারে ঋণী করবা ।

মুকুন্দ । তবে নাকে খৎ দাও—ব্রাহ্মণেরে আর কটু কথা
কইবে না ।

নিতাই । আর তুমিও বাবু নাকে খৎ দাও—এমন দেবতা
খুল্লতাতে চরণ ধর আর ছেড়ো না । আর সকলকে বলি ভাই
সব—যাদের দেশ আছে—যাদের চাকরী থাকা না থাকা উভয়ই
তুল্য—তারা দেশে যাও । মান অভিমান বিসর্জন দিয়ে নগদেছে
নগদে মা বসুমতীর সেবা কর—মা ভারে ভারে ধন ধাত্তের ডালা
নিরে তোমাদের তৃপ্তি সাধন করবেন ।

উজ্জ্বল দৃশ্য ।

শিরে লয়ে ডালা এস মা কবলা—
আশিষ ঢালিয়ে দাও মা !
অনাহারে মারা শিশু দিশে হারা
করণা নয়নে চাও মা !
কমল কর মা বুলায়ে দাও
সব দুঃখ স্থালা তুলে মা নাও
সুখ শাস্তি ছারা সুধু দুটী খাওয়া—
খেতে দাও খেতে দাও মা !
ঘুচাও বিষাদ শত অপরাধ—
ভুলে যাও ভুলে যাও মা !

যবনিকা ।